

Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 738a 4° copy 2







Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 738a 4° copy 2





Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 738a 4° copy 2



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 738a 4° copy 2

85-31 DM-Box

70

ex 2



LN 738 w Ex.2



*Handwritten text at the bottom of the page, partially obscured by the stamp and binding.*







HISTORIA  
COMPENDIOSA AC SVCCINCTA  
SERENISSIMORVM  
DANIAE REGVM:

*Ab incerto auctore conscripta; nunc vero  
vsque ad CHRISTIANVM IIII. de-  
ducta, primumque in lucem edita,*

opera & studio

ERPOLDI LINDENBRVCH.



LVGDVNI BATAVORVM,  
EX OFFICINA PLANTINIANA,  
Apud Franciscum Raphelengium.  
c10. 10. xcv.



HISTORIA

COMPTONIA AC SACCHINATA

SEMI-TRICOLOR

DAVID R. L. O. V. A.

1770

1770

1770

1770

1770



1770

1770

1770


*Serenissimo potentissimoque*

PRINCIPI

CHRISTIANO IIII.

Daniæ, Norwegiæ, Gothorum, Wandalo-  
rumque Regi, Duci Holsatiæ, Storma-  
riæ, & Dithmarschiæ; Comiti in Olden-  
borg & Delmenhorst &c.

*Domino suo clementissimo S.*



ERIEM Regum, quibus flo-  
rentissimum hoc regnum per  
totiugos iam annos stetit,  
& in quo V. Serenitas locum  
centesimum septimum legi-  
time obtinet, compendioso sermone ita  
concinnatam, vt antecessorum vestrorum  
ætates & res præclare gestas, non tam lege-  
re, quam numerare videamini, Celsitudini  
V. deuote offerre placuit. Antecessores enim  
tuos, Rex Clementissime, ita vno quasi ocu-  
lorum ictu perlustrans, nescio quo pacto,  
quamuis sponte, animo tuo sic à natura in-  
formato, ad summas virtutes contendas, &  
excellentiſſimæ indolis præclara specimina  
quotidie



quotidie edas, maiori tamen æmulatione  
incitaberis *prisca titulos precedere fama*. Sic  
de C. Iulio Cæsare (ne de aliis interim di-  
cam) legimus, quamuis & is sponte sua non  
nisi ad summa contenderet, tamen cum  
imaginem & titulum Alexandri, cui ex re-  
bus actis & auctis cognomentum Magno  
indidit antiquitas, vidisset, ita animo in-  
censum, ut spretis repudiatisque quos gere-  
bat honoribus, statim maiora animo moliri  
cæperit, eaque gesserit, quæ nulla vis, nulla  
potentia efficere potest, quin vigeant, flo-  
reantque perpetim. Ergo igitur hoc pla-  
cido vultu accipe munusculum, quod etsi  
exiguum ac perquam pusillum, tamen ut  
spero & opto utilitates suas habebit; nec tu  
id propterea respues. Nam *et in Oceanum  
rivi cecidere minores*. Verum ne prologus,  
quod dicitur, sit fabula longior, abrum-  
pam. Deus Opt. Max. auctor & stator  
CHRISTIANI nominis, Serenitatem Vin-  
statione ista quam temperatis, diutissime  
seruet. Hamburgi vi. Idus Oct. ∞ 10. xcv.

*Maiestati T. deuotissimus*

ERPOLDVS LINDENBRUCH.

HISTO.



HISTORIA  
COMPENDIOSA ET SVCCINCTA

*Serenissimorum Dania Regum.*

DAN.



PRIMVS Danorum Rex Dan est appellatus, à quo etiam regnum appellationem est sortitum. Ideoque Dania ex primo Rege Dan nuncupatur. Hic ex vxore Gritha, summæ inter Teutones dignitatis matrona, genuit duos filios, Humblum & Lotherum.

HVMBLVS.

Secundus Rex HVMBLVS, Lotheri fratris Tyrannide consternatus, contempto Regni diademate, è Rege priuatus est factus. Nam in bello à fratre captus regni depositione vitam mercatus est.

LOTHERVS.

Tertius Rex LOTHERVS Humbli frater, hic ex Rege Tyrannus factus, omnisque nobilitatis extinctor, ab eisdem occiditur à quibus fuerat regno donatus.

SKIOLDVS.

SKIOLDVS quartus Rex Lotheri filius, natu-

A ram

ram à patre, non mores sortitus est, & factus insignis patriæ amator, atque egregius iustitiæ cultor. Si quidem impias leges abrogavit, salutare tulit. Qui cum speciosissimam puellam ex Teutonibus singulari certamine meruisset, interfecto Scato satrapa eiusdem competitore, ex eadem genuit filium Gram, ac tandem morte naturali periit.

## GRAM.

- V Quintus Rex GRAM Skioldi filius, qui post gloriosas victorias & egregia facinora, à filio suo Suigdagero primo è Norwegia pulsus, deinde in Dania occisus est, substituto in Regem filio suo Guttormo, quem sibi tributarium fecit Suigdagerus.

## GUTTORMVS.

- VI Sextus Rex fuit GUTTORMVS filius Gram, qui fratri suo Suigdagero apud Noruagienses & Suecos regnanti Tributarius fuit, breuique tempore regnans mortuus est.

## SVIGDAGERVS.

- VII Septimus Rex fuit SVIGDAGERVS, qui accepto post fratris cineres regno paterno, ab altero fratre nomine Hadingo viro fortissimo in ultionem paterni sanguinis est apud Gutlandiam nauali bello percipit.

HA-



## HADINGVS.

Octauus Rex HADINGVS fuit, tertius filius VIII  
Gram. Iste Hadingus post interemptum fra-  
trem parricidam, ac multas generosas victo-  
rias, suspendio se vulgo inspectante extinxit,  
vt parem gratiam referret Hundingo Sueco-  
rum regi, cui extincto promiserat se non su-  
peruicturum.

## FROTO Geffemild.

Nonus rex Hadingi filius FROTO Geffmild IX  
id est, liberalis cognominatus. Iste Froto cum  
multa liberalitate factus esset insignis, multif-  
que victoriis gloriosus, aduersus regem Suetiæ  
pugnans in bello finiuit vitam.

## HALDANVS.

Rex HALDANVS Frotonis filius, duorum X  
fratrum suorum factus est infamis interfector,  
diuq. regnans in vltima senectute mortuus est.

## ROE.

Rex ROE primus Haldani filius, qui pacem XI  
magis quam arma doctus, studuit magis orna-  
re acceptam ditionem, quam illius fines propa-  
gare. Destructo igitur oppido Høgekob<sup>in</sup>g,  
ædificauit in Selandia Roschildiam ciuitatem,  
nomen illi imponens ex suo nomine Roe & fa-  
matissimi eius vrbs fontis, qui lingua verna-  
cula Kylde dicitur. Hic postquam diu regnaf-

A 2

set, ab



fer, ab Haluardo Suecorum rege interfectus occubuit.

### HELGO.

- xii Rex HELGO Roe frater, qui post multas victorias, quibus triumphauerat aduersus Scalcum Wandalix regem, atque filium ducis Saxonix, quem interfecit, etiam occidit regem Suecix Haluardum fratris sui Roe interfectorem. Porro cum illi exploratum esset, quod cum propria dormisset filia, nimio pudore confusus seipsum perdidit, propriis manibus sibi mortem inferens.

### ROLVO.

- xiii Rex ROLVO nuncupatus liberalissimus extitit, cui Suetia fuit multis annis tributaria. Hic à genero suo Hiartuaro Sueconum rege perfidissimo per dolum in arce Letra interfectus est.

### HIARTVARVS.

- xiiii HIARTVARVS rex decimus quartus, eodem die quo dolose Roluonem regem occiderat, occiditur & ipse à Viggone milite Roluonis Regis fidelissimo.

### HOTTERVS.

- xv Rex HOTTERVS, qui post Hiartuarum sumpto vtriusque imperio gloriose regnauit, factus etiam gigantum & falsorum deorum victor insignis. Iste Hotterus erat multis egregiis

# REGVM DANIAE.

giis artibus instructus, præcipue vero adeo cal-  
lebat omne Musicorum genus, vt gaudio, mœ-  
stitia, miseratione, vel odio mortales afficere  
nouerat. tandem interfectus perit.

## BALDERVS.

Rex BALDERVS à stultis hominibus etiam xvi  
Deus creditus. Is postea ab Othino rege inter-  
ficitur in sinu quodam, qui in hodiernū diem  
à prædicto Baldero dicitur Balderflut.

## OTHINVS.

Rex OTHINVS, qui ob artes magicas, quas xvii  
callebat & exercuit, diuinas laudes à barbaro  
& stulto populo promeruit: Cuius nomine  
etiam vnum hebdomadæ diem insigniuit, qui  
tandem in Pheonia occiditur, & sepelitur iuxta  
amnem quendam, vbi Othonia ciuitas, ab eo-  
dem Othino appellata, sita est.

## RORICIVS.

Rex RORICIVS, Slingenbond appellatus, xviii  
Othini filius, regnauit inglorius, deficientibus  
ab eo Suecis & Germanis, qui patris paruerant  
imperio, morteque naturali defunctus est.

## HORVENDILLVS.

Rex HORVENDILLVS à Gutis in regem xix  
electus, postea à Feggone fratre suo occiditur,  
etiam cum raptu vxoris eiusdem.

A 3

FEG-



xx Rex FEGGO, à quo Feggefund in Iutia nuncupatur. Iste Feggo in ultionem fraterni sanguinis, ab Amletho Horuendilli filio in ciuitate Wibergensi occiditur.

### AMLETHVS.

xxi Rex AMLETHVS Horuendilli interfecti à Feggone patruo suo filius, qui tandiu prudenter dissimulauit insaniam, donec ultus esset in patruo paternam necem, interfectus & ipse à Wigletio Tyranno vitrico suo, regni cōpetitore.

### WIGLETVS.

xxii Rex WIGLETVS Tyrannus, Amlethi victor & interfector. Hunc Wigletū, habentem regni moderationem tranquillam & diutinam, morbus consumpsit.

### WERMVNDVS.

xxiii Rex WERMVNDVS Wigleti filius. Is post diutinum regimen & interfectum Suecorum regem, ob senium & cæcitatem à Saxonibus contemptus est, quem contemptum egregie ultus est Wiffo filius eius, iam ex dissimulato muto ac stulto factus non solum vir facundus, sed etiam fortissimus. Solus enim pugnans aduersus gigantes duos, vtrumq. peremit, adeinto Danis probro, quo exprobrati sunt à Suecis, quod

quod illorum regem solum offensum interfe-  
cerunt gigantes Dani duo.

## W F F O.

Rex W F F O Wermundi filius, etiam Olauus xxiii.  
mansuetus à quibusdam dictus. Huius præclara  
gesta ob scriptorum inopiam solemnem fefel-  
lere notitiam, quæ creduntur gloriosa fuisse,  
quorum principia tam plena laudis fuerunt.

## D A N . II.

Rex D A N Wffonis filius, nimirum inglo- xxv  
rius filius gloriosissimi patris. Sic interdum (ait  
Saxo) pignora portentis similia à maioribus suis  
desciscunt. Omnia enim paterna bona & quæ  
ipse ex hostibus parta habebat, quæ regio  
splendori seruire debuerant, in flagitiis actur-  
pitudine consumpsit.

## H V G L E T V S.

Rex H V G L E T V S, qui Homothum & Hogri- xxvi  
nium duos Suetiæ Tyrannos maritimo fertur  
oppressisse conflictu.

## F R O T H O . II.

Rex F R O T H O . vegetus Hindsterke, qui cum xxvii  
factus esset gloriosus cæde decem fortissimo-  
rum ducum in Norwegia, tandem regem Nor-  
wegiæ Frogerum singulari certamine peremit:

D A N .



xxviii Rex DAN Frothonis filius egregiam retulit victoriam de rebellantibus Saxonibus, unde eosdem sibi fecit tributarios, qui illum habere tributarium contendebant.

## FRIDLEVVS.

xxix Rex FRIDLEVVS cognomento Celer. Iste fertur regnasse tempore Iulij Cæsaris, cum quo etiam dicitur fædus pepigisse. Reuerso Iulio nec audente cum Fridleuo pugnare ob publicam famam, quæ tum narrabat apud Danos esse viros fortissimos.

## FROTTHO, Fredegoed.

xxx Rex FROTTHO cognomento pacis auctor, Fridleui filius designatus rex sub prouidentia curatorum, cum esset iam septem annorum. Igitur principio regni eius gubernatoribus male agentibus, tanta erat vitæ licentia, vt nec legibus, nec pudore cohiberetur obscena aulicorum petulantia. Verum adulto rege Frothone, mutatae sunt vices rerum: euasit enim regnum ipsius non solum diuitiis, æquitate & legibus, gloriosum: sed etiam incredibilibus quibusdam victoriis clarissimum. Cuius memoria etiam nunc celebris est, tametsi apparet ipsum regnasse ante quindecim secula: Nimirum eo tempore, quo in Betlehem Iudææ ex virgine matre



matre natus sit Dei filius, homo factus.

## HIARNERVS.

Rex HIARNERVS, qui cum esset obscuris parentibus natus, suffragiis tamen populi diadema regni promeruit, tanquam ornati sepulchri ipsius Frothonis. Nam Frothonis sepulchrum grandi saxo inscripto Epitaphio ornauit: ob quod regno ab incolis donatus est, qui paulo post à Fridleuo Frothonis filio, Ruthenorum rege est interfectus. xxxI

## FRIDLEVVS II.

Rex FRIDLEVVS Frotonis filius, hic cum regnaret apud Ruthenos, audita patris sui morte, primum succurrit præfecto Suecorum aduersus duodecim gigantes Norwegiæ; quibus interfectis, præter vnum Biornonem, in Daniæ profectus est. Cuius aduentum audientes Dani, quem vano rumore mortuum credebant, iubent Hiarnereum regno cedere. Iste Fridleuus rex factus, interfecit Asinundum Norwegiæ regem, ac paulo post naturali morte defungitur, relicto ex Frogertha vxore filio Frothone, cognomento Largo. xxxII

## FROTHO III.

Rex FROTHO Fridleui filius, cognomento xxxIII  
Largus, huius principatus multi gigantes parebant, inter quos præcipuus erat Starcatherus, multorum gigantum peremptor, atque mirabilium

B

bilium



bilium rerum effector. Igitur cum hic Frotho gloriosissimum habuisset regnum multis annis, à Suertingo quodam Saxonie regulo dolose ad conuiuium vocatus, occiditur, vicissim occiso Suertingo. Suertingi enim scelus amborum intentus fuit.

### INGELLVS.

xxxiiii Rex INGELLVS Frothonis filius, sed tanto patre prorsus indignus, quia luxu, libidine, & crapula adeo perditus erat, vt euaserit omnium ignauissimus. Adeo ne cogitauit de patris dolosa morte vlciscēda, vt filiam Suertingi patris interfectoris vxorem duceret. Cuius consuetudine tam mollis & deliciosus effectus, vt omnem auorum suorum gloriam prorsus obscurarit. Tandem Starcatheri exprobrationibus prouocatus, occidit in vltionem paternæ cædis septem Suertingi filios, quos secum habebat in gratiam vxoris quotidianos conuiuas. Perit autem rex iste naturali morbo in Lothra sede regali, iuxta quam sepultus legitur.

### OLAVS I.

xxxv Rex OLAVS quartus Ingelli filius. Hic cum multis annis regnavit, nullam laudem tamen apud posteros promeruit. sub finem vitæ nihilominus prudenter duobus filiis diuisit regnum & imperium, Haraldō maris imperium, Frothoni vero terræ regnum tribuens.

HARAL-



## HARALDVS I.

Rex HARALDVS Olai filius, cui maris con- xxxvi  
tigit imperium, à fratre Frothone dolo occidi-  
tur, vt solus regno potiretur.

## FROTHO VV.

Rex FROTHO Haraldī frater, qui nullo faci- xxxvii  
noie clarus, etiam conatus est Haraldī filios ex-  
tinguere, ne vllus esset parricidij vltor, qui ta-  
men magno artificio suorum curatorum ser-  
uati sunt, donec adoleuissent: adultri vero facti,  
cum regiam Frothonis subiectam vndiq. igne  
incendissent, Frotho fugiens ad opacos quos-  
dam recessus, dudum constructos, vapore &  
fumo strangulatus interiit.

## HALDANVS I.

Rex HALDANVS Haraldī filius, & patrui sui xxxviii  
Frothonis interfector. Hic cum tribus annis re-  
gnasset, relicto regno fratri suo Haraldo, Sue-  
tiam inuasit, vicit & occupauit. Ericus rex Sue-  
tiae occupaturus Daniam tribus proeliis victus  
est ab Haraldō Haldani fratre. Quarto vero  
proelio victor effectus Haraldum occidit. Sed  
ab Haldano postea victus & interfectus, vita  
simul & regno priuatus est. Erat hic Haldanus  
corpore adeo robustus, vt elaua immensae ma-  
gnitudinis ferro vndique circumsepta in bello  
uteretur, qua multos aliorum regum gigantes  
B 2 occidit.



occidit. Ab hoc Haldano, qui ex inclyta matrona Thorilda genuit Asimundum Norwegiæ regem, omnes postea Norwegiæ reges magni æstimantur duxisse originem, ad eundem suam genealogiam referentes.

## HVG VINVS.

xxxix. Rex HVG VINVS Haldani nepos, cui regias opes testamento legauit, regemque constituit. Sic Huguinus postea ab æmulo, cui Regnaldo nomen erat, bello oppressus erat & peremptus, vnico filio Syualdo relicto.

## SYVALDVS I.

xl. Rex SYVALDVS, cui filia erat Syritha, puella non solum speciosa valde, sed omnium illius seculi puellarum pudicissima, quæ nupta cuidam Otharo viro fortissimo, attulit patriæ magnum libertatis præsidium. Syualdus igitur pugnans aduersus Regnaldum, patris sui interfectorem, perpetuum triduum, Othari generi sui fortitudine victor euasit. Otharus enim interfecto Regnaldo in fugam conuertit gigantes plures quam quadraginta, inter quos erat Starchaterus, qui semper contempta quauis sæuitia, fuerat omnibus periculis maior.

## SYGARVS.

xli. Rex SYGARVS succedit patri suo Syualdo. Hic habens filiā Signe nomine, cuius stuprum ab Hag-



ab Hagberto proco perpetratum, peperit patri interitum. Nam vt rex Hagbartum ob filiae stuprum laqueo perdidit, ita vicissim ab Haquino, Hagbarti fratre, peremptus occubuit.

## SYVALDVS II.

Rex SYVALDVS post fratrem Sygarum. XLII  
Huius temporibus pugnatum est tam acriter aduersus patris sui peremptorem Haconem, vt ex regio sanguine, ne vnus quidem remaneret, praeter solam Iuritham Alfi filiam, Sygarique neptem. Videntes igitur Dani regium semen defecisse, regnum popularibus tradunt; creatis ex plebe principibus. Ostmarus praeficitur Scaniae, Hundingus Sielandiae, Hano Pheoniae, Roricus Aquilonari Iutiae, & Halterus Australi. Interea Gumarus rex Suetiae interfecto Reginaldo rege Normannorum, Drolam Regnaldi filiam rapuit, quae ab eodem stuprum capere coacta, filium procreat Hildigerum, crudelitate patre maiorem. Verum paulo post Borcarus quidam, occiso Gumaro, eandem Drolam sibi connubio sociat, ex qua Haldanum illum fortem Iurithae procum genuit.

## HALDANVS III. Haldan hinsterke.

Rex HALDANVS cognomento fortis, qui XLIII  
multis victoriis gloriosus euasit, Iurithamque acceptam sororem, interfectis duodecim gigantibus Iurithae custodibus, occiso etiam

B 3

sponso



sponso eiusdem primo die nuptiarum, ex qua postquam genuit Haraldum Hulletand, à Wesero pugile Sielandico interfectus est.

### HARALDVS Hulletand.

XLIII Rex HARALDVS Hulfetand patri suo Haldano successit, qui mox interfecto Wesero patris sui peremptore, adeo auxit Gotorum imperium, ut omnia Occidentis regna, usque ad mare mediterraneum illi subiecerit. Vnde ab aliis scriptoribus vocatur Alaricus, qui tempore Valentis Imperatoris dicitur vastasse vniversam Italiam, adeoque Romam ipsam: fugientibus tamen ad Basilicas Apostolorum, morte iussit esse parcendum. Nocturna visione admonitus de apparitionibus sibi Apostolis Petro & Paulo eo cultu, quo ad illum venerat Romanus Pontifex pro vrbe legatus, ad procurandam pacem. Verisimilius est tamen hunc Alaricum non fuisse verum Gotorum regem, sed vice-regem tantum, quales multi tunc erant, sed omnes parentes Haraldi imperio, qui erat rex Gotorum principalis. Iste Haraldus viribus potentissimus, multisque regnis diues, pugnans aduersus Ringonem nepotem suum rebellantem, quem regno Sueonũ præfecerat, interfectus occubuit.

### RINGO.

XLV Rex RINGO Haraldi nepos. Sed breui tempore regnans Schania Suecorum regno applicata,

cata, puellam quandam nomine Hetham præfecit Sielandiæ, ac cæteris regni Daniæ prouinciis. Hic Suecis dicitur Haquinus Ring, qui uictor Haraldo, Schaniæ præfecit quendam virum fortissimum, Olonem nomine. Hetha puella fortissima regnauit in Sielandia, Pheonia & Iutia, nomine regis 46. Verum Sielandenses probrosum rati parere fæmineis legibus, Olonem, quem Haquinus Ring Schaniæ præfecerat, regem postulant. Iutia vtriusque ergo principatum tenuit Hetha, sub tributo tamen seruiens Oloni.

## O L O.

Rex O L O tantam exercuit tyrannidem, vt XLVI  
superior reginæ & puellæ contemptus cunctis  
pænitentiam pareret. aduersus quem cum duodecim  
duces conspirassent, destituti viribus & ingenio,  
Starchatherum pecunia asciscunt, qui acceptis centum  
vigintique auri libris, Tyrannum balneis vrentem,  
adeoque inermem confecit. Huic Oloni tanta erat  
oculorum acies, vt solo visu terrefaceret etiam viros  
fortissimos: Nec Starchatherus confectorem egisset,  
nisi rex Olo simulata feritate vultum mutasset, de  
Starchathero non aliud suspicans ob longam familiaritatis  
experientiam, quam illum esse ab insidiis alienissimum.

O M V N-



## OMVNDVS.

- XLVII Rex OMVNDVS Olonis filius. Hic postquam maturuit, in nullo (inquit Saxo) paternis operibus defectior extitit. Siquidem res ab Olone gestas, aut æquare, aut transcendere, curæ habuit: In suis tamen tyrannidem non exercuit. Huius temporibus Starcatherus, voluntarie ab Hatero quodam interfectus, occubuit.

## SYVARDVS I.

- XLVIII Rex SYVARDVS Omundi filius fuit infortunatissimus: Siquidē illius temporibus inuasērunt Sueci Schaniam, vicerunt, occupauerunt. Sic Germani quoque totam Iutiam. Igitur pugnans aduersus illū, qui Schaniæ erat præfectus, occisus est, occiso simul & Schaniæ præfecto.

## BVTHLVS, Buthle.

- XLIX Rex BVTHLVS Syuardi frater, ob mentis ignauiam coactus est aduenienti Iarmerico regnum tradere. Sicque ex rege priuatus euasit.

## IARMEICVS.

- I Rex IARMEICVS multis victoriis gloriosus, apud Slauos, quos frequenter rebellantes, etiam frequenter victos, rursus Danorum potestati subiecit, tandem seductus delationibus cuiusdam calumniatoris, cui Bicconi nomen erat, speciosissimam uxorem suam nomine Suawildam



dam regis Hellepontii filiam ob stupri suspi-  
cionem à Biccone falso intentatam tradidit  
equorum calcibus proterendam: qua re magis  
fuit illius obscurata gloria, quam prioribus vi-  
ctoriis illustrata. Nam ob hanc causam ab vxo-  
ris fratribus, amputatis sibi primum pedibus,  
& manibus interemptus est.

## BRODERVS.

Rex BRODERVS Iarmerici filius parum ido-  
neus succedit in regnum.

## SYVALDVS III.

Rex SYVALDVS nullius præclaræ rei auctor.

## SVIO.

Rex SVIO Syualdi filius. hic patriæ res non  
solum seruauit, sed etiam diminutas in pristi-  
num statum reuocauit. Schaniam quoque à  
Danicæ iurisdictionis integritate semotam, ad  
societatem patriæ victoria insigni reduxit. Hic  
regis Suetiæ vxorem vi rapuit, magno regni de-  
trimento. Huius temporibus exorta graui fame,  
exiit è regno grandis exercitus, qui superatis  
Alpibus, proximam illius Italiæ partem, quæ  
nunc Langebardia dicitur, ab eisdem vocabu-  
lum sortita, quod essent longis barbibus, inuaden-  
tes occupabant, ac interfectis omnibus viris,  
relictas vxores accipiebant. Vnde creuit tota  
Langebardorum posteritas. Hæc autem ferun-  
tur facta anno salutis DLXXXVI.

C

BIORN.

## BIORN.

LIII Rex BIORN nullo egregio facinore insignis.

## HARALDVS III.

IV Rex HARALDVS Biornonis filius rerum summam assequitur.

## GORMON I.

LVI Rex GORMON Biornonis filius. Huic inter priscos Danorum duces non infimæ laudis locum rerum strenue gestarum titulus tribuit. Nam quæ de hoc Gormone feruntur sunt pænitus incredibilia; cuius curiositatem in peruestigatione secretarum ac mirabilium rerum omnes admirantur.

## SIGEFRIIDVS.

LVII Rex SIGEFRIIDVS Gormonis filius, Godefride frater, cuius vxorem Widekindus Saxonum Rex, seu vnus ex primoribus Westfalorum hospesque eius vxorem habuit, ex qua genuit Witpertum. Hic legatos suos misit ad Carolum Magnum, anno Christi DCCCLXXXVII. castris positis ad Lippix fontem, cum omni Francorum exercitu confedentem, atque per dies non paucos ibidem morantem.

## GOTRICVS.

LVIII GORMONIS filius rex GOTRICVS non armis modo, sed etiam liberalitate conspicuus, incer-



incertum fortior an clementior fuerit: adeoque seueritatem mansuetudine temperabat, vt alterum altera rependere videretur. Huius temporibus CAROLVS MAGNVS, victricia trans Rhenum castra receperat, cui Gotricus graua intulit bella, qui cum proprij satellitis proditoria manu interiisset, Carolus Magnus effuso gaudio exultauit, nihil eo casu vnquam fortunæ suæ iocundius obuénisse confessus.

## HENNINGVS.

Rex HENNINGVS, cuius dignum memoratu opus (inquit Saxo) non reperi, nisi quod pacem cum Cæsare Ludowico iurisiurandi firmitate composuit.

LIX

## OLAVVS II.

Rex OLAVVS Gotrici filius. Hic interfecto patris sui peremptore, ab aliis bellis abstinuit. Mortuus vero sepultus fuit apud Lethram, illius seculi regiam.

LX

## SIVARDVS II.

Rex SIVARDVS regis Norwegiæ ex filia Gotrici filius, Schanis, Sielandisque fautoribus regnat. Nam consobrinus eius Ringo, idemque Gotrici nepos, Iutiam occupat: qui tandem mutua cæde sunt extincti.

LXI

C 2 12 REGNE.

## REGNERVS, Regner Lodbrogk.

- LXII Rex REGNERVS Lodbrog, Siuardi filius. Hic erat multis stratagematibus admirabilis, multis etiam victoriis gloriosus, Christianorum tamen acerrimus hostis & persecutor. periit captus in Hibernia, & serpentum lacui adiudicatus.

## HARALDVS Klag.

- LXIII Rex HARALDVS Klag tyrannide Regneri fugit ad Ludowicum Imperatorem, cuius pietate factus est Christianus, roboratusque Saxonis auxiliis primus in territorio Sleswicensi templum Deo dicandum sollicitè & impense construxit, post sextum tamen annum factus est religionis Christianæ infamis desertor. regnavit annis XVI.

## SYVARDVS.

- LXIII Rex SYVARDVS Reginfridi, Saxoni Regneri, cognomento Lodbrog, summis totius Danicæ concionis suffragiis, paternum apprehendit imperium. Huius inter alia præcipua laus est, quod paternæ necis vindicem egit acerrimum. Erat autem vir ut animo acer, ita viribus robustus, cuius fortitudinem & acrimoniam inde vel maxime possumus perpendere. Nam paternæ necis accepto nuncio, hostile quod forte manu tenebat, altius pedi stupefactus immerfit, inæ-



fit, mœroris magnitudine corpoream negligente molestiam. Quo facto simul fortitudinem mœroremque detexit, fortunam suam inter calamitosum filium constantemq. virum partitus. At post editas late strages, domestica claritate contentus, toga quam armis illustris haberi maluit, omissoq. castrorum cultu, ex acerrimo tyranno exactissimum pacis custodem gerere cœpit, tantum decoris in otio atque vacatione constituens, quantum ante in victoriarum frequentia repositum autumabat. Adeo autem studiorum eius mutatione fortuna fauorabiliter profecuta est, vt sicut ipse neminẽ, ita nec ipsum quisquam hostiliter laceraret.

## ERICVS I.

Rex ERICVS Haraldī frater, regnavit annis LXV  
XIII. huius temporibus, commissio prælio aduersus Guttornum patruelem suum, periit omne semen regium, vsque ad vnicum Siuardi filium nomine Ericum Barnn: quo prælio vterque Ericus & Guttornus, cum innumeris aliis interemptus est.

## ERICVS II.

Rex ERICVS Siuardi filius, dictus Barnn, LXVI  
principio regni sui religiosissimum quemque aut suppliciis insequi, aut rebus exuere, exilioque mulctare perseueravit. Sed paulo post prædicante beato Ansgario Archiepiscopo Bre-

C 3

mensi



mensi, sacrilegæ mentis terrore deposito, Christianissimus euasit, restaurauit annis, ut quidam volunt, quadraginta sex, & primus Ripis Basilicam construxit. Huius temporibus erant principes homines crudelissimi, grassantes incredibili scuitia, non solum in Dania, sed in Anglia quoque & Hibernia, omnes filij Rigneri Lodbrogi, quorum hæc sunt nomina, Ericus, Orbicus, Godefredus, Inguarus, Vbbo, Vlfo & Biorno. Isti fratres, duce Inguaro, qui omnium fratrum fuit crudelissimus, primo Norwegiam sibi subiiciunt: Deinde in Angliam venientes duos reges occiderunt, duosque fugarunt: Postea sanctus Eumundus Rex ab Inguaro captus, ligatus & flagellatus, nouissime vero decollatus est. Inde recedens dimisit classem cum altis nouem regibus Aquilonis, ex quibus quosdam destinauit in Germaniam, quosdam vero in Galliam, qui omnes fere vrbes Gallia & Germaniæ aut subegerunt, aut destruxerunt, templa cum clericis vastantes, omnem quoque populum sibi resistantem, cum mulieribus & pueris, in ore gladij trucidantes. Dum hæc aguntur, moritur Ericus Barnn, relicto vnico filio Lodneknud adhuc infante: quæ audiens Olauus rex Suetiæ, cum grandi exercitu Daniæ intrasit, vicit & occupauit, quinquennio possedit, factus rex sexagesimus septimus.

LXVII

LXXI

SIVAR-



## SIVARDVS IIII.

Rex SIVARDVS Olavi Nepos regnat x. an- LXVIII  
nis, tandem à Danis interfectus.

## LODNEKANVTVS.

Rex LODNEKANVTVS Erics filius. Hic ex LXIX  
desperato pene adolescente, auctor insperata  
probitatis euasit. Hoc vero defendus, quod  
absque Christianæ religionis insignibus mor-  
tem vitâ commutauit.

## SVENO I.

Rex SVENO Langesod Canuti filius, regnat LXX  
nouem annis.

## FROTO VI.

Rex FROTO Suenonis frater. Hic Angliam LXXI  
vicit, vbi & fidem Christi edoctus, Christianis-  
simus euasit. Volens igitur communem esse toti  
Danti hanc felicitatem, misso legato ad Aga-  
pitum secundum pontificem Romanum, fidei  
doctores postulauit: sed priusquam rediisset le-  
gatus, in domino mortuus est, cum regnasset in  
Dania & Anglia annis viginti.

## GORMON I.

Rex GORMON Frothonis filius regnat qua- LXXII  
tuor annis. huius tempore, defecerunt à Danis  
Angli, pro quorum recuperatione nihil forti-  
ter conatus est.

HARAL-



LXXII Rex HARALDVS Gormonis filius, ob hoc egregiorum operum vacuus, quod regiarum opum (inquit Saxo) seruator magis, quam propagator extiterit.

73.

3. GORMO III.

LXXIII Rex GORMO acerrimus Christianorum persequutor: hos enim puniebat aut capitis supplicio, aut exilio damnabat, aut facultatibus exuebat. Templum etiam in fundo Sleswicensi à Christianis conditum, tanquam sacrilegum aliquod impietatis domicilium ab imis fundamentorum partibus demolitus est. Hic regiam maiestatem magis seruauit, quam auxit. Qui cum postulasset vxorem filiam Hedelradi Anglorum regis, nomine Thyram, cognomento Danckbod, non antea impetrauit, quam polliceretur se Christianum fore; ex qua genuit duos filios, Chanutum & Haraldum. Hic Chanutus adeo erat patri dilectus, vt audita filij morte protinus expirauerit.

74. HARALDVS Blotand VI.

*Eius LXXIII  
pictatem et  
egregias lau-  
des lege in Cho-  
ron.*

HARALDVS Blotand Gormonis filius. Huius temporibus Otto Imperator depopulatus est totam pænē lutiam, quo fugato ac fædere cum illo facto, factus est Haraldus rex Christianissimus. Post hæc THYRA mater regis, quo redde-  
ret pa-



ret patriam tutiorem à clandestinis exterorum irruptionibus, quantum à Sleswico ad occidentalem Oceanum patet, vallo fossaque proscindere aggressa est. Cui postea Waldmarus rex & Absolon episcopus coet<sup>er</sup> lateres superstruxerunt, reficientes noua structura lapsus veteris valli. Ille Haraldus cum multis annis regnasset, à filio Suenone Tweskeg regni affectatore, interfectus est per quendam Tokonem. cuius corpus Roskildiam missum, apud sacrarium, nuper ab ipso conditum, solemnem sepulturæ locum recepit.

75 S V E N O Tweskegk.

Rex SVENO furcatæ barbæ. Hic consilio impiorum quorundam nominis Christiani hostium, interfecto patre Haraldo, gauisus est se nactum esse occasionem sæuendi in diuina: sed infelicissimis casibus afflictus & flagellatus, tandem resipuit, factus Christianus & ipse, Poppone quodam diacono rem Christianam adiuvante, edito apud Danos insigni miraculo. Is enim ad fidei Christianæ confirmationem, candens ferrum nudis manibus illæsus cunctis stupentibus portauit. Huius Suenonis beneficio habent mulieres in regno Daniae ius hereditarium. Hic Sueno tres Episcopatus Iutiae instituit, Sleswicensem, Ripensem & Arhusiensem, mortuus est post conuersionem ac gloriosas victorias in perfectissimo vitæ fulgore, charus Deo & hominibus.

D

CANV-

LXXVI



## CANVTVS II.

LXXVII

Rex CANVTVS Suenonis filius. Hic Norwegiam occiso sancto Olauo obtinuit, gentemque Esthonicam sibi subdidit. Deinde Angliam aggressus, fugato rege Edeldardo ac in Londonia mortuo, triumphato regno, relictam defuncti regis, filiam Ducis Normanniæ uxorem accepit, ex qua genuit filium nomine Chanutum, cognomento durum, ac filiam vnā, quam Conradus Imperator accepit filio suo uxorem. Genuit etiam idem Chanutus alios filios duos ex Albina concubina, Haraldum & Suenonem. Regnauit igitur Chanutus iste senex super tria regna, Danorum, Anglorum, & Noruagensium, annis xx. Moritur anno Domini M. XL.

## CHANVTVS III.

LXXVIII

Rex CHANVTVS Durus. Huius temporibus regnauit Haraldus frater in Anglia quatuor annis, & mortuus est, cui successit Chanutus durus, & Sueno secundus frater in Norvegia, annis fere quinque, quo defuncto Noruagienses elegerunt in regem Magnum, sancti Olauus filium. Quod cum rescisset Chanutus Durus, cum Anglis & Danis Noruagiam inuasit: vnde inito fœdere, hac lege per amicos communes sunt reconciliati, vt qui, fuerit, alteri superstes, vtrunque regnum occuparet: Chanutus vero  
Durus,



Durus, paulo post mortuus est, cum regnasset annis nouem.

## SVENO III.

LXXIX

Rex SVENO Estridis Chanuti Duri ex Esthryta sorore nepos. Huius temporibus Magnus rex Noruagiæ occupaturus regnum Danorum ex pacto, quod cum Chanuto Duro pepigerat, pugnavit aduersus Suenonem & vicit. Sueno igitur in Schaniam fugiens, atque inde in Sueciam fugam parans, audiuit Magnum esse mortuum, qui mox reuersus ab vniuersis Danis in regem eligitur. Regnavit autem annis xxviii. Huic erant quinque filij, qui omnes post eum regnauerunt. Iste Sueno erat magnus religionis cultor, ac præcipuus cleri amator, cui inter cæteros erat charissimus Wilhelmus Roskildensis episcopus, à quo sustinuit libere coargui & admoneri, si quando admisisset quicquam correctione dignum. Nam quemadmodum in vita sese mutuo dilexerant, ita in morte quoque non sunt separati: Episcopus enim regio funeri solempni more occursurus iussit parari duo monumenta, duoque pheretra ex vrbe Roskildensi efferri. Cumque cognouisset in Topsoy Vre adesse regium funus, erectis in cælum oculis & manibus, si quo rerum auctori seruitio placuisset, vitam à se finiri petiuit. hæc fatus, veluti in domestico lectulo acquiescens extinguitur.

D 1

HARAL-



## HARALDVS VII.

LXXX Rex HARALDVS Suenonis filius natu grandior, huius tempore defecit ab obedientia Danorum Anglia, quæ iam M. XX. annis fuerat regibus Danorum vectigalis. Et quoniam regie functioni erat parum idoneus, sub illius principatu quisque suo voto vivebat, affectibus magis quam legibus, aut æquitati seruiens: vnus tantum legis editione, maximos meruit vulgi fauores, quia concessit reis in purgatione intentati criminis, vt sese iureiurando tuerentur, quæ lex erat hoc nomine vulgo gratissima, quod minus periculi formidaretur ex periurio, quam ex ferro. Erat autem Haraldus iste sacrorum officiis deditus, sed superstitiose magis quam pie. Cumque regnasset duobus annis, defungitur.

## CHANVTVS IIII.

LXXXI Rex CHANVTVS sanctus, secundus Suenonis filius. Iste non solum egregius pietatis & religionis cultor, verumetiam magnus iustitiæ amator. Videns autem regni incolas hære in multis ad Christianam pietatem religionemque spectantibus, nec esse cæteris per orbem Christi fidelibus legibus & ceremoniis pares & conformes, cum essent ob contemptum regie iussionis, qua iussi erant expeditionem facere in Anglos rebellantes, graui pecunia multandi,



Etandi, remissa pecuniaria multa, religiosa pietate vrgebat, vt ritu aliarum nationum Christianam religionem profitentium, decimas sacerdotibus suis soluerent. Qui perfidia Olai fratris, ac proditiōe cuiusdam Bloconis diuersum persuasi, præcipue luti aquilonares frequenter perfidi, insurrexerūt aduersus sanctum & iustum regem, fugientem in Pheoniam persequentes, vbi in vībe Othonia sanctum Dei martyrem crudeliter occiderunt, in basilica, quæ nūc domino Albano sacra est, anno regni sui decimo. cuius crudelem interfectionem fuisse verum martyrium, diuinæ pietatis multa miraculorum frequentia declarauit. Perit anno M. LXXXVIII.

## O L A V V S, Hunger.

Rex O L A V V S tertius Suenonis filius. Hic ab LXXXII exilio Flandrensi reuocatus, remisso fratre Nicolao, quem vadem pro Olai redemptione dederunt, omnium suffragiis rex creatur. Huius temporibus, in vltionem immanissimi parricidij, tantæ fuit annonæ caritas, vt multi fame perirent, quæ nō tantum obscurorum familias vexabat, sed etiam vsque ad regis penates peruenerat: quas cum vidit rex perichitati mensarum inopia, diuinum natalem celebraturus, rogauit Deum, vt si quid iræ aduersus populum concepisset, suo non eius periculo satiaretur. nec difficiles numinis aures habuit. Nam

D 3

eadem



eadem nocte esurientem & parricidij penitentem animam efflauit, anno VII. sui regni, Domini M. XC V.

### ERICVS Eigota III.

LXXXIII. Rex ERICVS cognomento & re ipsa bonus, Fuere huic Erico filij Charaldus, Chanutus & Ericus, sed primus concubina, secundus matrimonio, tertius adulterio ortus proditur. Erat autem Ericus iste simul fortis & mansuetus, tenuitque medium temperamentum inter desidiam & ferociam: quamobrem maioribus formidolosus, minoribus autem percharus fuit, cum hos paterna indulgentia, illos regia seueritate insequeretur. Filias quoque plures ex concubinato habuit. Huius temporibus factus est Ascerus quidam, clarissimo inter Iutos loco natus, primus Archiepiscopus Lundensis, prius enim parebant omnes Danici regni Episcopatus Archiepiscopo Bremensi. Sub hoc Erico vixit gloriosus Skialmo Candidus, educator filij Erici, nimirum Chanuti Ducis. Tandem octauo regni sui anno, pro expiatione summorum peccatorum religiosam amplexus est peregrinationem, Iudæam versus, electis procerissimis quibusdam peregrinationis sociis, ut sui corporis proceritatem consentaneo sociorum habitu minueret. In ea verò peregrinatione mortuus est in Cypro insula toto orbe famosissima, vbi etiam non sine grandi miraculo sepultus est.

eadem



eadem insula, ab ipsius sepultura defunctorum  
cadauera continente, quæ antea non poterat  
continere, anno Domini M. CV.

## NICOLAVS.

NICOLAVS quintus Suenonis filius. Huic LXXXIII  
erat filius nomine Magnus, ex vxore Margare-  
tha filia regis Suetiæ, homo crudelissimus &  
impius, qui etiam interfecit sanctum Chanu-  
rum martyrem & ducem, ipsius quoque fra-  
trem Haraldum. Iste Nicolaus bello superatus  
ab Erico Emund, occiso Magno filio, fugit ad  
Sleswicum, vbi à Iutis interfectus est, in vltio-  
nem Chanuti ducis, qui erat Iutis charissimus.  
Anno Domini M. CXXXV.

## ERICVS Emundt IIII.

ERICVS Emundt. Hic interfecto Haraldo LXXXV  
fratre suo, vniuersisque liberis eius submersis,  
tandem regnauit. Bello etiam vicit & interfe-  
cit Magnum fratris sui Chanuti interfectorem.  
Pacem igitur bello quesitam iustitiæ ornamen-  
tis excolere studuit. Grauius enim animaduer-  
tere cepit in maiores & potentiores, qui mino-  
res iniuria afficiebant: vnde neque familiaritati  
neque necessitudini parebat: maiorum enim  
inconsultam auariciam, aut ferro, aut laqueo  
castigabat. quo studio & principum odia &  
plebis obsequia contraxit. Hic Ericus ab Epi-  
scopo Roskildensi Eschyllo, ob similitudinem  
inter



inter illos exortam, pulsus est in Iutiam, Sialandenſibus Eſchylo opem ferentibus, ſolis Skialmonis filiis ſeditionis conſortium detrectantibus: ſed vt ad eos impunitas redundauit, ita ad Eſchyllum pœna conceſſit. Rege enim cum Iutica claſſe reuerſo, patris ac patrii interuentu uſus, vicena auri talenta mulctæ nomine perſoluit. tandem à Plogo quodam claro loco inter Iutas nato, coram rege cuidam ex plebe de ſe queritanti reſpondente, lancea tranſuerberatus occubuit; Anno Domini .M. CXXXIX. cum iam quatuor annis regnaſſet.

## ERICVS Lamb v.

LXXXVI

ERICVS Lamb, Erici ex ſore nepos: hic præter ſolam animi fortitudinem nihil à natura dotis acceperat, ſicut enim erat prudentia vacuus, ita parum amœnus eloquio. qui conſectis aliquot bellis aduerſus Olauum auunculi ſui Haraldi filium, tandem Othoniæ factus eſt monachus. moritur regni ſui anno VII. Chriſti .M. CXLVI.

## SVEINO IIII.

LXXXVII

SVEINO Erici Eumundi filius. Huius temporibus ambiebant regnum etiam Chanutus Magni filius, & Waldemarſ Chanuti ducis filius, variantibus inter ſeſe populi ſuffragiis. Igitur Schaniæſes elegerunt Swenonem, vna cum Sielandis, Iutorum principatum tenente Chanuto,



Chanuto, inter quos ancipiti semper victoria pugnatum est decem annis. Ab hoc Suenone captus est, & per ludibrium in templo Beati Laurentij suspensus, Eschyllus Archiepiscopus Lundensis. Vbi ergo Sueno iste nulla certa victoria videret sibi totius regni principatum contigisse, desperabundus fugit in Saxoniam. Interim Dani conuenerunt eligentes duos reges, Waldemarum filium Chanuti ducis, filij Erici Boni, & Chanutum filium Magni interfectoris beati Chanuti regis; hac lege, vt simul regnarent. Quod cum audisset Sueno ex Saxonia reuersus, hanc meruit gratiam, vt cum aliis duobus regni consortium acciperet, partito in tres partes vniuerso regno. Sueno igitur Saxonum praesidiis & armis fretus, mox Chanutum Roskildiae dolose occidit, occisurus etiam Waldemarum, nisi beneficio Hefberni Suare nepotis Skialmonis Candidi, seruatus ac in luttum maximo naufragij periculo fuisset transuectus. Quem cum insequeretur Sueno, eodem anno in praelio, quod Gratemosæ commissum est, à Waldemaro victus & occisus est: vnde & iustas dedit perfidiae poenas.

## CHANVTVS v.

CHANVTVS filius Magni, filij Nicolai interfectoris regis, beati Chanuti ducis. Hic naturam à patre sortitus, à paternis moribus erat alienus. Cumque duodecim pene annis dubia

E

spe

LXXXVIII



spe regnasset. Tandem à Suenone perfidissimo Roskildia per insidias nocte occiditur.

88.

/ WALDAMARVS I.

LXXXIX

<sup>Waldamarus</sup> WALDAMARVS Chanuti ducis filius, non solum naturæ, sed etiam pietatis paternæ hæres egregius. Hic interfecto publico prælio perfidissimo Suenone, tandem solus regnavit. Huius temporibus, cum frequentes facerent incursiones Saxones in Iutiam, Waldamarus & Absolon Episcopus Lundensis, ut multis annis arcerentur ab huiusmodi incursionibus, extruxerunt murum cocto latere, super vallo olim facto in eandem rem ab illustrissima Danorum regina Thyra Danebod, matre Haraldi Blotand, quam quidem structuram appellant Dani Wærcke. Hic Waldamarus cum esset multis victoriis gloriosus, admirandis etiam rebus eximius, triumphata Rugia atque per Absolonem ad fidem conuersa, cum filiam suam dedisset Friderici Imperatoris filio uxorem, vidissetque sanctissimum patrem suum Diuorum Catalogo ascriptum, filium suum regni diademate ornatum, tandem mortuus est, cum regnasset annis <sup>25</sup> ~~XXV~~ in Ringsted sepultus, cum Serenissima regina, uxore sua Sophia, filia Swerkonis regis Suetiæ, quæ obiit anno Domini <sup>1182</sup> M.CLXXXII.

CHANV-



## 89. 6 CHANVTVS VI

<sup>Chanuti</sup> CHANVTVS primus Waldamari filius, qui <sup>et</sup> per Absolonem Episcopum terra & mari gloriose belligeratus est aduersus Romanum Imperatorem contendente[m], Danorum regnum semper liberrimum, esse imperij feudum. Holsatiam igitur & Dithmarsciam triumphauit; tandem cum regnasset annis <sup>22</sup> XXII, mortuus est. <sup>1203</sup> Anno M. CCIII, in Ringstede, sepultus cum sua <sup>et</sup> forore Rikiza regina, vxore Erici regis Suetiae, <sup>1210</sup> quæ obiit anno M. CCI.

*Finis Chron.  
in ista  
Saxonis glan-  
matij.*

## 90. 2 WALDAMARVS II

<sup>Waldamari</sup> WALDAMARVS Chanuti frater, fuit multis, <sup>1208</sup> victoriis gloriosus, qui Danis fertur etiam legem composuisse, antiquas leges aut emendasse, aut in ordinem redegisse. Noruegiam vicit, cui regem tributarium dedit Erlingum quendam, ducemque constituit Philippum: accepit autem vxorem nomine Dagmor filiam regis Bohemiae. huius temporibus initium habuerunt ordines minorum & prædicatorum sub anno <sup>1208</sup> M. CCV. Et eodem anno pugnatum est in Lettia <sup>Wes</sup> Ostgotiae, duce Suerchero Hack rege Suetiae, filio regis Caroli interfecti à Chanuto rege, filio sancti Erici, in cuius ultionem Suercherus interfecit omnes Chanuti filios, vnico Erico filio in Noruegiam euadente. huic Suerchero auxilium à Waldamaro postulanti, <sup>a</sup> E 2 additæ



additæ sunt Danorum copiar fortissimæ, viro-  
rum videlicet octodecim millia, sub principi-  
bus belli Ebbone <sup>in</sup> Simonis <sup>et</sup> & Laurentio illius  
fratre, fortissimis pugnatoribus, filiis domini  
Suenonis Sielandici de Knaretorp, factaque est  
magna vtriusque exercitus strages. ceciderunt  
in eo prælio præfati belli Principes; pugnatum  
est autem pridie Kal. Februarii, cessitque victo-  
ria Suerchero, sed maxima sui exercitus iactu-  
ra, cæsis innumerabilibus Suecis. Rursum anno  
<sup>1210</sup> M. C. C. X. bellatum est, <sup>in</sup> Gulstus <sup>et</sup> Aeen <sup>et</sup> ibi <sup>et</sup> rex  
Suercherus occubuit & dux Folcho, alij quoque  
multi viri nobiles de Folchongis, cessitque vi-  
ctoria Suecis, Anno <sup>1214</sup> M. C. C. XIIII. Cum defuncta  
esset regina Dagmor, celebratæ sunt secundæ  
nuptiæ regis Waldemari, cum filia regis Portu-  
galia, qui anno sequenti constituit filium suum  
Waldemarum regem in placito Wibergensi,  
qui tamen ante patrem suum mortuus est, an-  
no Domini <sup>1231</sup> M. C. C. XXXI. sepultusque est Regin-  
stadia cum vxore sua Dagmar, filia regis Bohe-  
miæ, & cum vxore secunda Boringera, filia re-  
gis Portugalia, sorore Letuena <sup>et</sup> Comitissæ Flan-  
driæ, quæ obiit Anno <sup>1220</sup> M. C. C. XX. Eisdem tempo-  
ribus cum Otto Imperator armato milite ve-  
nisset aduersus Waldemarum regem, occupa-  
turus Holsatiam, si res illi ex voto succederent,  
verum cum audisset regem Waldemarum sibi  
cum ingentibus copiis occurrere, in fugam est  
conuersus, nec quieuit donec ultra Albiam  
ventum



ventum esset. Anno Domini <sup>1216</sup> M. CCXVI, Walde-  
 marus rex terram Comitis Henrici ultra Al-  
 biam paulatim vastare ac populari <sup>oe</sup> caput, ex-  
 truxitque duas arces, non procul ab Hamma-  
 burg. Ducatumque <sup>vesor</sup> Erico filio suo contulit. Com-  
 mitatum autem, quem ab Hinrico Comite vin-  
 dicauit, Nicolao filio suo (quem ex pellice ha-  
 bebat) dedit. Anno <sup>1223</sup> M. CCXXIII, dolo captus est  
 rex Waldemarum cum filio Waldemaro, & in  
 Slauoniam deductus. Anno autem <sup>1226</sup> M. CCXXVI.  
 grandi pecunia redemptus, anno <sup>1232</sup> M. CCXXXII  
 coronatus est Ericus Waldemari filius in re-  
 gem, & frater eius Abel Iutiae Ducatum accepit.  
 Anno <sup>1233</sup> M. CCXXXIII, idem Ericus duxit uxorem  
 Iuttam filiam ducis Saxoniae. Igitur cum Wal-  
 demarus gloriose regnasset annis <sup>1241</sup> XXXIX, mor-  
 tuus est M. CCXLI. in caena Domini, quae erat  
 quinta Kal. Aprilis: in Ringstede sepultus, regno  
 in optima pace relicto, ac filiis omnibus antea  
 matrimonio iunctis.

## ERICVS VI.

<sup>ericus</sup> ERICVS Waldemari filius, vir bonus ac pius. XCII-  
 Hic multis annis aduersus fratrem suum Abel  
 virum crudelissimum belligeratus est: à quo  
 tandem dolo capitur, capiteque truncatur in  
 vigilia sancti Laurentij, <sup>1242</sup> M. CCXLII.

## ABEL.

<sup>abel</sup> ABEL Erici frater & peremptor, cum duo- XCIII-  
 bus

E 3



bus annis male regnasset, à Phrisonibus est interfectus Eiderstadenſibus, iusto Dei iudicio, quod ille prius occiderat regnandi cupiditate innocentissimū fratrem suum, anno <sup>1242</sup> M. CCXLII.

93. CHRISTOPHORVS

XCHH

CHRISTOPHORVS frater Erici & Abellis, nullo facinore gloriosus erat. Sub illius Principatu tanta erat plebis rebellio aduersus regem, vt coacta turba irrumpens in arces regias, quas aut destruxit aut prorsus est demolita. Vno scelere euasit infamis: accepit enim Archiepiscopum Jacobum captiuum, quem carceri mancipauit in arce Hagenscow. Cuius causa iam regnum fuit nouem annis sub interdicto. Mortuus est anno Domini <sup>1259</sup> M. CC~~LIX~~. Circa hæc tempora obseruatum est quiddam in Suetia, quod à temporibus sancti Erici initium habuit. Cum enim in Suetia Vpsalenses sanctum Ericum, in Scania vero Ostgoti Carolum Suerekeri Hack patrem elegissent, constituerunt, vt ex his duabus progeniebus, alternis vicibus, eligerentur reges: quæ constitutio durauit centum annis, vsque ad tempora Būgeri ducis, patris Waldemari, & Magni Ladelaas regum Suetiæ, qui captos dolo præcipuos de Folkengis viros eximios occidit, vt regnum apud illius posteros perseueraret.

ERI-



74. ~~8~~ ERICVS VII.

<sup>ERICVS</sup> Klipping erat multis flagitiis oper- xev  
tus, sacrilegiis, oppressionibus, ac intami libidi-  
ne, ita vocatus, vt omnibus haberetur inuisus.  
Igitur anno M.<sup>1286</sup> ~~CCCLXXXVI~~ cum ruri ageret ve-  
nationis gratia, ac nocte beate Cecilie dormiret  
in villa Finde<sup>ro</sup> Wibergeris diocesis, iace-  
retq<sup>ue</sup> cum multis in horreo quodam multu<sup>m</sup> so-  
poratus, ingressi sunt clam septem viri prauia  
laternula, studio armati: quorum vnus regis ca-  
put manui innixum graui pugione crudeliter  
transuerberat; cæteri vero inuadentes regis ca-  
dauer iam exanime, intulerunt illi vulnera <sup>70</sup> LXX.  
in ultionem perfidia ipsius regis, ac præcipue  
nefandæ libidinis, qua expugnauerat corru-  
peratque multarum etiam nobilium matrona-  
rum pudicitiam, inter quas etiam fuerat stuprata  
vxor domini Stjgotti Andreæ, regni Marscalci.  
Iste Ericus dedit filiam suam nomine Sophiam  
Waldemaro regi Sueriæ uxorem: qui ob stu-  
prum eiusdem sororis Sophiæ è regno pulsus,  
habuit Magnum Ladelaas fratrem suum regni  
successorem.

75. <sup>ERICVS</sup> Memwidt VIII.

<sup>ERICVS</sup> Memwidt Erici filius, aliquot vi- xcvi  
ctoriis aduersus Teutones insignis, Rosto-  
chium triumphauit, & iuxta Warnaw turrim  
extruxit.

extruxit. Huius tempore Anno M. <sup>1287</sup> CCLXXXVII<sup>24</sup>,  
iuratum est in Dacia à <sup>24</sup> XXVII viris nobilibus,  
Dominum Iacobum Comitem Høllandia<sup>2</sup>,  
Dominum Stigotum Marschalcum, Domi-  
num Nicolaum Hallent<sup>et</sup>zfar<sup>3</sup>, Dominum Pe-  
trum Porse, aliosque multos illorum compli-  
ces, veros esse regis Erici interfectores: qui sta-  
tim sibi timentes in Noruagiam fugerunt, re-  
ceptique sunt sub regis Noruagiæ protectione,  
Anno M. <sup>1293</sup> CXCIII. Mortuus est autem domi-  
nus Stygotus quondam interfecti regis Erici  
Marschalcus, in insula Hielm<sup>us</sup>, quam arce  
quadam munierat, vbi regis interfectores tuta  
habebant præsidia, vnde etiam piraticam exer-  
cebant. A Stygoti enim obitu dispersi sunt, ac  
diuersis locis supplicio affecti. Nam anno sta-  
tim sequenti captus est Ranelonus, qui extra  
Roskildiam rota percussus occubuit in vltio-  
nem interfecti regis Erici, cuius idem Rane-  
lonus fuerat cubicularius, adeoque proditor  
infamis. Iste Ericus mortuus est sine liberis  
M. <sup>1319</sup> CCCXIX. cum regnasset annis <sup>33</sup> XXXIIII. in Ring-  
stede sepultus: & ad sinistram suam iacet mater  
sua Agnes regina, vxor regis Erici Wibergis se-  
pulti, filia Alberti Marchionis Brandenburg-  
sis, quæ obiit M. <sup>1304</sup> CCCIIII. & ad dexteram eius  
dem iacet vxor sua, filia Magni regis Suetiæ,  
quæ obiit anno M. <sup>1319</sup> CCCXIX.

CHRI-



## 96. 2 CHRISTOPHØRVS II.

CHRISTOPHØRVS Erics frater, qui electus <sup>1320</sup>xcvii  
 est anno M.CCCXX. erat regni diademate pror-  
 fus indignus ob ignauiam, nec vnquam fortu-  
 natus aut felix, adhæc omnis nobilitatis osor,  
 populi vorator. Igitur tanquam perfidus prin-  
 ceptus sustinuit multorum rebellionem: quam  
 declinare volens bis è regno fugerat, rediitque  
 spe recuperandi, sed nullo fructu. Nam Holsa-  
 tis in pignus dederat vniuersam Schaniam. Ha-  
 bebat autem tres filios, Ericum, Ottonem &  
 Waldemarum. Ericum regem constituit, vt vna  
 secum regnaret. verum vterque male regnans,  
 graue odium incurrit. Nam regni proceres fu-  
 gato patre filium captum carceri manciparunt  
 in arce Hadersleff, qua occasione cæperunt  
 Holsatiæ Comites regnum ambire, nihil non  
 tentantes, vt Danos in perpetuam quandam  
 seruitutem redigerent: quod animaduertentes  
 Danorū proceres, reuocant ab exilio Christo-  
 phorum regem, & Ericum illius filium à vincu-  
 lis absoluunt, qui paulo post breui tempore  
 regnantes calamitosa morte defuncti sunt. An-  
 no Domini <sup>1333</sup>M.CCCXXXIII. Dominus Magnus  
 Rex Suetiæ redemit vniuersam Schaniā à Do-  
 minis Holsatiæ, qui illam in pignus acceperant  
 à Christophoro rege Danorum, patre Walde-  
 mari Duri. Redemptionis autem pretium erat  
<sup>70</sup>xxx millia marcharum argenti puri; videntes  
 F enim



enim Holsati ob tyrannidem, qua grassabantur in vniuersam Schaniam, defecisse Schaniae proceres ad Magnū Smeg Suctiæ regem, coacti sunt vendere, quod alioqui non fuissent diu habituri. Anno Domini <sup>1340</sup> M. CCC. XL. cum in regno Datiæ adhuc esset interregnum, mortuo scilicet rege Christophoro, & non dum ex aula Imperatoris reuerso Waldemaro, Iutiam sunt hostiliter ingressi Domini Holsatiæ, Ioannes Dux & Gerardus Comes, eandem mox occupaturi. Cumque Comes Gerardus ad Raudū siam Iutiæ ciuitatem peruenisset, ac ibidem sua firmasset præsidia, à nobili quodam viro Nicolao Elbonis, patriæ libertatis studiosissimo, nocte interfectus occubuit, cum multis nobilibus ac aliis militibus, quos secum in præsidiis ibidem habebat.

97. 3 WALDEMARVS III.

xcviii

WALDEMARVS cognomento Reprob<sup>us</sup>, fertur fuisse versutissimus, auarissimus & audacissimus, qui cum offendisset regnum pauperrimum, scilicet à suo patre spoliatum, ab hostibus Alemanis vastatum, à quibus tum etiam multæ arces possidebantur, mira vafritie vindicauit è possidentium manibus, minima sanguinis iactura, principio regni sui, scilicet Anno Domini <sup>1340</sup> M. CCC. XL. Vindicauit etiam Schaniam, abusus simplicitate Magni regis, ac dolo exustis omnibus eius literis. Anno vero  
proxi-



proxime sequenti vindicata Schania, iam aperto Marte inuasit Olandiam & Gotlandiam, atque cum crudelissime vastasset vtramque, interfectis in Olandia quingentis viris, in Gotlandia vero duobus millibus; eodem anno amisit Olandiam, & Gotlandiam ~~est~~ & retenta. Hic Waldemar in asserendo regno fuit admodum gloriosus. Nam vt illud in libertatem assereret, nihil non tentauit: receperat vastatum, spoliatum, depauperatum, & quodammodo in solitudinem redactum, non tam ignauia patris ac fratris, quam exterorum excursionibus, sed liberum ac florentissimum reliquit. Hanc tamen illius gloriam obscurarunt & insatiabilis auaritia, ac infamis perfidia, qua, violato iure iurando, cepit tyrannidem exercere aduersus nobilitatem totius regni, quam etiam extinctam cupiebat, quo crudelius grassaretur in omnes, iam sublato metu, qui solet esse officij custos. Ob hanc enim causam pertulit ab ipsis proceribus frequenter rebelliones, non insidiantibus regi, & crudeli, & formidabili, sed sibi magis prospicientibus ne perirent, quorum tamen rebellionem crudeliter vltima est in multos Margareta illius filia, trium regnorum regina, quantumuis visa sit aliis virtutibus spectabilis. Erat autem Waldemar iste adeo irritabilis in omni re, vt etiam facile fuisset fidem relicturus, ni obstitisset religiosus quidam pudor. Nam Romano Pontifici ob tyrannidem ac

F 2      perfidiam



perfidiam interdictum ac excommunicationem minanti, fertur in hæc verba respondisse. Waldemarus rex <sup>et c.</sup> Romano Pontifici salutem, Naturam habemus à Deo, regnum ab incolis, diuitias à parentibus, fidē vero à tuis prædecessoribus, quam, si nobis non faues, remittimus per præsentēs. Vale. Habebat autem uxorem nomine Helwig, filiam Waldemari ducis Sleswicensis, ex qua sustulit præcipue duas filias, vnam, quæ nupsit Haquino Noruagienſium regi. hæc fuit Margareta regina trium regnorum. Alteram, quæ nupsit duci Magnopolensi, cui genuit duas filias, matrem Erici regis de Pomerania, & Christophori regis de Bauaria. Cum multis annis regnasset Waldemarus, mortuus est in arce Gårre à se extructa, sepultus Soræ cum patre suo, Anno Domini <sup>1375.</sup> M. CCC LXXV.

98.

## MARGARETA.

MARGARETA loco regnauit Waldemari patris, mulier crudelissima, ac inferno digna, Suecorum sententia, verum Danorum opinione Christiana ac religiosa valde, & adeo potentia, fortuna, victoriis, diuitiis ac prudentia gloriosa, vt fortunatissimos viros videatur nō solum æquasse, verum etiam longe superasse. Hæc regnante patre nupsit Haquino filio Magni Smeg regis Suetiæ & Norwegiæ, cui vnicum <sup>1371.</sup> filium genuit, Olau nomine, Anno Domini M. CCC XL.

qui



qui fertur ignota morte periisse, non dum ac-  
 cepto regno, Anno <sup>1384</sup> M. CCLXXXIII. Regna-  
 uit autem post mortem Haquini sui mariti an-  
 nis <sup>32</sup> XXXII. Bellum enim ab Haquino <sup>1389</sup> captum  
 aduersus Albertum regem Suetiæ illa gloriose  
 perfecit. Anno Domini <sup>1389</sup> M. CCLXXXIX. missio  
 ex Dania grandi exercitu, sub principe belli  
 domino Iuaro Lycke, pugnatum est in Asle ad-  
 uersus Albertum regem, cessitque fortuna ipsi  
 Margaretæ victoriam, captusque est Albertus  
 in prælio, vna cum filio suo Erico duce, simul-  
 que cum illis capti sunt Rodolphus Archiepi-  
 scopus Scharensis, Dux Magnopolensis, regis  
 Alberti pater, Comes Holfatiæ, & Comes de  
 Reppin, alij quoque multi Barones, & proce-  
 res, interfectis multis militibus plebeis. Nam  
 equites aurati ibidem cæsi fuerunt XIX, excep-  
 tis aliis nobilibus, qui numerari non possunt,  
 Nam vt erat gloriosa victoria, ita præcesserat  
 atrox bellum. Captus igitur Albertus & in Da-  
 niam ductus, sex annis in captiuitate durat. Li-  
 beratus est autem à captiuitate anno <sup>1395</sup> M. CCCXCV,  
 circa festum Michaelis, hac lege, vt præfixo ter-  
 mino aut solueret reginæ LX Marcharum mil-  
 lia argenti puri, aut fieret deditio ciuitatis Hol-  
 menfis, aut rediret in captiuitate perduraturus.  
 Cumque nec rediret, nec soluere valeret tan-  
 tam summam, scripsit Holmensibus, & mox  
 consequuta est deditio. sicque obtento vniuer-  
 so regno gloriose regnavit, pepegitque <sup>60</sup> fœdus  
 illud



illud solemne, quod tria regna coniunxit, quod  
 utinam durasset in hodiernum usque diem.  
 Ictum enim erat fœdus hac lege, ut in electio-  
 ne regum, alternis vicibus haberet Suetia pri-  
 mum suffragium, Datia vero alternis. Et quo-  
 niam in electione Erici regis Dacia primum  
 habuerat suffragium, mox in electione Christo-  
 phori regis, etiam primum usurpabat suffra-  
 gium: qua temeritate & arrogantia offensi Sue-  
 ci, statim elegerunt sibi proprium regem Caro-  
 lum Canuti, maximo utriusque regni dispen-  
 dio. Hæc Margareta cum orbata esset posterit-  
 atis spe, nimirum mortuo Olauo filio, voca-  
 tum ad se Ericum nepotem ex Pomerania, in  
 regem eligendum curauit, anno Domini M.  
<sup>1396</sup>CCCXCVI. cum esset quatuordecim tantum  
 annorum, qui statim anno sequenti Calmariæ  
 est coronatus ab Archiepiscopis Lundensi &  
 Upsalensi, præsentibus Episcopis Lincopensi,  
 Scharensi, Årengensi, Årosensi, Vexionensi,  
 Årøhusiensi, Ripensi, Orcadensi, ubi creati sunt  
 ex tribus regnis equites aurati centum triginta  
 tres. Itaque Margareta cum Erico habebat com-  
 mune regnum, usque ad diem mortis suæ, ac-  
 cepitque ille uxorem, filiam regis Angliæ, no-  
 mine Philippam, anno <sup>1406</sup>M.CCCCVI. Celebratæ  
 sunt nuptiæ Lundis eodem anno, circa festum  
 omnium sanctorum. Cumque diu regnasset,  
 semper cleri amatrix, magno laicorum odio,  
 tandem mortua est, ac Roschildiæ sepulchro  
 precioso



precioso sepulta anno <sup>1412</sup> M. ccccxxii, circa festum Simonis & Iudæ.

79. 10 ERICVS X.

ERICVS filius ducis Pomeraniæ, Waldemari pronepos. Hunc Ericum narrat Suecorum Chronicon, sic educatum fuisse, à Margareta regina in omni perfidia & crudelitate, vt Waldemaro nihil fuerit inferior, imo perfidia superior, adeo vt dicant illū ex Margareta yberibus fuisse quicquid malitiæ illa velut hæreditario iure à patre crudelissimo & versutissimo possederat. Obtestata enim super literis, & iuramentis seruandis, de fide castrensi non in externos transferenda, solita erat respondere, Seruate vos qua potestis diligentia nostras literas, nos curabimus arcēs seruari. Hic Ericus obtestatus de iureiurando fertur eadem sententia respondisse Suetiæ *Eder ja Herre, wil jag icke ware.* Huius Erici temporibus fecerunt Alemanni grauem irruptionem in regnum Danorum, sed nullo suo commodo, Philippa regina, & senatu regni aduersus illos pugnantibus & vincentibus. Rex autē Ericus visus est bellis nihil aliud quæsisse, affectasse, desiderasse, quam suorum procerum ac nobilium interitum, ideoque fertur amasse bellum, victoriam non amasse, semper contentus cladein aliquam suorum fidelium procerum accepisse. Qui cum erga omnes esset perfidus & iniquus, Suecis tamen quam Danis

XCIX



Danis erat iniquior, aut sic à Margareta edo-  
ctus, quæ Suecis fuerat semper durissima, aut  
alio affectu priuato. Nam quo semper posset  
Suecis inter<sup>et</sup> esse, ab vtroque regno deturba-  
tus, elegit Gotlandiam insulam, tanquam exilij  
tutissimum præsidium, vnde pyratiam in Sue-  
cos perpetuam exercuit, Danis interim parcens,  
quibus<sup>et</sup> etiam, recedens, & in Pomeraniam  
rediens, tradidit totam Gotlandiam possiden-  
dam & asseruandam. Aduersus hunc Ericum,  
feruntur multa scripta accusationum capita,  
quibus palam est, illum fuisse è regno iustissi-  
me profligatum: ac inter cæteras grauissimas  
querelas, xxvii prodiones capitales & infam-  
es. Cumque diu regnasset, multis adulteriis  
opertus, voluptatibus deditus, periurio, rapina,  
perfidia, violentia, tyrannide ac prodione sce-  
leratissima, conspiratione solemnium omnium  
procerum regni publicam libertatem optimo  
iure asseruantium consternatus, sibi male con-  
scius fugit in Gotlandiam, compilatis regni  
thesauris, ac comitatus vnica concubina præ  
cæteris charissima, cui nomen Cæcilia, quæ non  
minimam præstitit expulsionis causam, cum  
esset illi multorum malorum incentrix ac con-  
sultrix. Fugit autem anno Domini <sup>1438</sup> M. cccc. xxxviii.  
cum à coronatione sua regnasset annis <sup>41</sup> xiiii.

CHRI-



## 100. 3CHRISTOPHORVS III.

Rex CHRISTOPHORVS dux Bauariæ, etiam Waldemari pronepos: hic electus est in Regem consilio Erici regis. Cui si contigisset vita diuturnior, euasisset valde gloriosus, præcipue aduersus petulantiam ciuitatum quæ à gallinis (Hensstede) nomen habent. Nam ad illarum petulantiam coercendam ac refrenandam (qua etiam regnis ac principibus minitabantur) videbatur valde idoneus: vehementer enim dolebat Lubecam olim à Danis extructam, Danorumque regibus subiectam, sic per proditorem libertatem vindicasse, vt illi nunc dominari cupiat, cui prius subiecta seruiebat. Ad eam igitur rem perficiendam collegit ab vniuerso regno magnam pecuniarum vim. Vnde offensi Aquilonares Iuti, excitata graui seditione, rebellare tentantes, à rege victi sunt, graui-terque mulctati. Cumque duxisset vxorem filiam Iohannis Marchionis Brandenburgensis, nomine Dorotheam, sine liberis mortuus est anno regni sui septimo, Domini <sup>1447</sup> M. ccccxlviij. in arce Helsingborg. Erat autem iste Christophorus Danis quidem acceptus, Suecis inuisus: quibus tamen ad mortem vsq̃e dominatus est.

## 101. CHRISTIERNVS I.

Centesimus primus rex <sup>Christiernus</sup> CHRISTIERNVS, eius nominis primus, filius Theodoric<sup>i</sup> Comitis de  
G tis de



[*et Hedwigis  
vel Hedwigis,  
filiae Paderbornensis  
I. d. d. Sles.  
inensis et  
Comitis Hol-  
satie d. d. d.*]

ris de Oldenburg, & Hedwigis sororis Adolphi ducis Sleswici. Electus est autem consilio domini Adolphi ducis Holsatiae, cuius erat consanguineus, qui ducta vxore Dorothea, praefloris sui Christophori relicta<sup>2</sup> vidua, genuit ex illa filiam vnam nomine Margaretam, postea Scotiae regis vxore, ac duos filios, Iohannem & Fridericum. Hæc electio facta est anno

[*Coronatio  
in Dania A. d.  
1449. in Norue-  
gia Dorothea  
Comiti d. d. d.  
A. d. 1450, dia  
Ola-g.]*

Domini <sup>1448</sup> M. cccc. xlviii. Huius temporibus plene defecit Suetiae regnum a fædere trium regnorum, coronato sibi proprio rege Carolo Canuti filio, eiusdem regni Marschaleo; quo tandem expulso ob tyrannidem ac perfidiam, assumptus est Christiernus etiam in Suetiae re-

[*Adolphus in  
Cantu Sleswici  
et d. d. d.  
Comitatus  
A. d. 1460. hanc  
debris p. d. d.  
p. d. d., et*]

<sup>[d. d. 1457]</sup>gem, sed paruo tempore regnantem, seditionem aduersus illum mouentibus Suecis quibusdam natura factiosis, Carolo iam reuocato ex vrbe Gandamensi, in qua vii annis exilium transegerat. Ille Christiernus cum esset natura clemens, egregiusque pecuniarum contemptor, nec odij tenax, aut iniuriarum vindex, habuisset suo seculo regnum minime violentum, parum etiam cruentum, si calumniatores quidam illius simplicitate non fuissent, in magnam regni Suetiae perniciem <sup>abusi</sup>abusi. Archiepiscopus enim Vpsallensis, Dominus Iohannes Benedicti, vir nobilissimus, falsis delationibus quorundam calumniatorum a rege Christierno captus ac ludibriis affectus multis, in Daniam etiam missus, vbi magna iniuria calamitose vixit. Cuius tamen



tamen patrocínio ac praesidio Christiernus rex adeptus erat regni diadema. Idem enim Archiepiscopus succensus patriæ libertatis amore, odio habens Caroli regis maximam perfidiam, crudelissimam tyrannidem, atque insatiabilem auaritiam, semper restitit Carolo regi principi perfidissimo, quem sciebat contrarium regnorum solemne fœdus, priuatis quorundam suffragiis violenter intrusum esse regem. Rex tamen Christiernus, Æprehenso calumniatorum dolo, à captiuitate absolutum Archiepiscopum in Suetiam magno cum honore remisit: qui restitutus gradui pristino, contempta captiuitatis iniuria, ad mortem vsque magna Suecorum perfidorum admiratione permansit regis Christierni regno & Principatui fidelissimus. Cum igitur Christiernus iste, grandi pecunia, partim à regni tributis collecta, Holsatiæ ducatum redemisset, Sueciam armis vicisset, Gotlandiam occupasset, Erico rege decrepito in Pomeraniam reuerso, filioque suo Lotharii uxorem accepisset, vrbeinque Romani religionis grãtia visitasset, regnassetque annis ferme triginta tribus, anno Domini <sup>1481</sup> M. CDXXCI. inter Pascha & Pentecosten diem clausit extremum, fortitudine, armis, & victoriis potens; misericordia, gloria, & magnificentia diues; fide vero & religione pius: sepultusque est Roschildiæ, in sacello quodam à se fundato & exstructo, atque amplissimis possessionibus donato,

G 2

quod

[ai'insimiss  
set in her to  
near 55000  
anxious Adena  
nos] 1.



quod ad australem plagam adhæret Basilicæ  
beati Lucij Mart<sup>r</sup>is, cuius religiosus cultus &  
ornatus, sacre quoque Diuorum reliquie ex  
vrbe Roma delatæ, quæ ibide<sup>n</sup> visuntur, testan-  
tur Christiani principis religiosam pietatem.

-CH

Centesimus secundus rex IOHANNES, pri-  
mus eius nominis. Hic vxore ducta nomine  
Christina, filia domini Ernesti Ducis Misniæ,  
genuit duos filios, Christiernum & Franciscum,  
& filiam vnā nomine Elizabetam, quæ nup-  
sit domino Ioachimo Marchioni Brandenbur-  
genfi. Iste Iohannes cæpit regnare statim ab  
obitu patris sui Christierni, multisque annis,  
nimirum triginta pene duobus, Christianè reg-  
num Danorum moderatus est. Nam principio  
regni sui, sequutus consilium prophanorum  
procerum, decreuerat molestus esse viris Eccle-  
siastici ordinis: postea vero cum sentiret pro-  
phanos inueterato odio (quo laici sunt semper  
clericis offensi) id suasisse, sententiam decreti  
sui mutauit. Igitur ad finem vsq<sup>ue</sup> vitæ suæ erga  
clerum fuit optime affectus, deprehenso pro-  
cerum dolo. Quod si non tanta pietate dilexisset  
vniuersum clerum, veneratusque fuisset  
omnia Christianæ religionis sacra, multa fuisset  
aduersus cleri libertatem à proceribus qui-  
busdam tentata, quæ successerunt illis sub prin-  
cipatu regis Christierni famosi tyranni, ac Fri-  
derici



derici primi nuper defuncti. Erat autem rex Iohannes præditus solertia, vt prudenter nobilium quorundam insania frueretur: quos cum mira comitate sibi conciliaſſet, ob mutua tamen ipſorum diſſidia, ac quotidianas iniurias, quibus ſe inuicem afflictabant, grauiter in eos animaduertebat: quibus tamen nulla videbatur intollerabilis mulcta, quod omnia leniret incredibili affabilitate. Quod ſi temperaſſet à bello & ſanguine (in quæ tamen caſu magis, quam propoſito inciderat) abſtinuiſſetque ab iniqua ſententia, qua decernebat contra hæredes domini Pauli Laxmand <sup>et</sup> magiſtri equitum, fuiſſet ſane Princeps & optimus & <sup>et</sup> fæliciffimus. Porro cum in rebus mortalium nihil ſit ab omni parte beatum, & optima quæque deſiderantur verius quam habentur, non minimam laudem merentur ij, qui vitam agentes in deliciis ac opibus, huiusque caduci ſeculi ſtrepitu ac pompa, multis adulatoribus, calumniatoribus, & paraſitis obnoxij, mediocritatem ſeruare potuerunt. Huic principi bellum meditati aduerſus dominum Stenonem Sturam, regni Suetiæ gubernatorem, reſtitit Dorothea mater, quamdiu vixit. Nouit enim prudentiſſima mulier, tantam eſſe Suetici populi perfidiam, vt quacunque ratione victi, & ſubiugati, non eſſent tamen diu fidem ſeruaturi. Mortua vero matre pugnavit ac vicit, vix tamen <sup>et</sup> triennio poſſedit, rebellantibus Danis Stenone & Suan-



tone proditoribus perfidissimis, maximo in hodiernum diem vtriusque regni detrimento. Triumphauit autē anno Domini <sup>1497</sup> M. CDXCVII. Anno vero <sup>1501</sup> M. D. I. defecerunt ab illo, obsessa ac tandem capta in arce Holmensi regina Christina. Porro cum Suecorum procures in defectionem aduersus aliquot reges, tum Daniæ, tum Suetiæ à multis excusentur; deficientibus tamen omnibus à rege Iohanne, nec apud cordatos Suecos excusationem habent, quando ipsius regnum fide plenum ab omni violentia, omnique tyrannide liberum fuerat. Quod si Waldemari, Margaretæ, Erici, Christophori, Christierni quoque secundi regna fuissent tam incruenta, tamque prœcul à tyrannide & violentia, adhuc fortasse illibatum trium regnorum fœdus durasset, nisi populi alioquin ad seditionem nati obstitisset perfidia. vno tantum bello Ditmarsicēsi fuit infortunatissimus, quod <sup>1500</sup> gestum est anno Domini M. D. vbi superis non fauentibus feruntur periisse multi viri nobilissimi ac clarissimi. Dicebatur enim vulgo iccirco illos infelici Marte pugnasse, quod ante conscriptam militiam, conspirassent aduersus cleri & Ecclesiasticorum libertatem, quorum redditus & possessiones gloriabantur se mox occupaturos, victores bello Ditmarsicēsi reuersos. Quod si fœlicius successerit iis, qui sub exorto Lutheranismō iam similia moliebantur, imo longe maiora, non solum in perniciem quorundam



rundam praelatorum, sed in exitium totius cleri, studiorum, literarum, disciplinarum, omniumque sacrorum totius Christianae religionis, posteritatis esto iudicium. Cæterum bello nauali erat fortunatior, quo frequenter triumphauit, ac præcipue aduersus Lubicenses, perpetuos Danici regni oses. Mortuus est autem peste captus in ciuitate Olburgensi, mense Februario, anno Domini <sup>1513</sup> M.D.XI<sup>13</sup>. Hic Princeps post fata multorum lachrimis est desideratus, etiam illorum qui viuentem auersabantur, quando iam videbant filij principatum minari cruentam tyrannidem, horrendumque & inauspicatum exitum portendere. Hic Iohannes sepultus est Ottoniæ: cuius Epitaphium habeo descriptum, cum Epitaphio vxoris Christinæ.

103. CHRISTIERNVS II.

Centesimus tertius rex CHRISTIERNVS secundus, Iohannis filius. Hic ex florentissimo regno post patrem accepto, reliquit tam calamitosum, vt nunquam fuerit ab orbe condito calamitosius. Erat enim famosus tyrannus, quia omnibus tyrannis superiorum seculorum maior, crudelitate, impietate, periurio, sacrilegiis, & perfidia adeo infamis, vt qui Neronem, Phalaridem & Syllam cum hoc contulerit, is semiunciam cum assie contulerit. Cæterum cum seuitia ac crudelitate sua, quam exercuit in omnis generis homines, tam Ecclesiasticos quam politicos,

CHH

Continuat.  
tio.

politricos, defunctis etiam non parcens, Proce-  
res regnorum offendisset, pulsus est ab ipsis, pa-  
truo, & Lubicensibus in exilium anno Domini  
M.D.XXII. regni ix. in quo per decennium vixit  
in Germania. Reuersus cum exercitu in reg-  
num, spe eius recuperandi, captus est, detentusq.  
in captiuitate vsque ad mortem, quam Callen-  
burgi oppetiit anno Domini M.D.LIX. xxv.  
Ianuarij: cum vixisset annos LXXVII, & aliquot  
menses, sepultus Ottoniæ iuxta patrem. Ha-  
buit viuente coniuge concubinam, filiam Si-  
drehti, quæ multorum malorum & bellorum  
in Septentrionalibus regionibus ansam præ-  
buit. Vxor vero eius fuit Elisabetha vel Isabella  
filia Philippi regis Hispaniarum & Archi-ducis  
Austriæ, quæ in sæuissima tempestate Hassniam  
appulit anno Domini M.D.XV. ix. Aug. mortua  
anno Domini M.D. xxv. xi. Ianuarij. sepulta  
Gandau, matrona ob pietatem in Deum alias-  
que virtutes laudatissima. Ex hac nati sunt Phi-  
lippus, Maximilianus, ambo infantes mortui,  
Iohannes apud auunculum Carolum v. Imp. in  
Vngariam mouentem obiit Stembruchi, Anno  
Domini M.D. xxxii. eodem die quo pater cap-  
tus est, cum pueriles annos egressus esset, Prin-  
ceps ingenio præstans. Dorothea nupta Frideri-  
co Palatino Electori, anno Domini M.D. xxxii.  
Christina, hæc coniunx fuit i. Francisci Sfortiæ  
ducis Mediolanensis, ii. Francisci ducis Lotha-  
ringiæ, ducta anno Domini M.D.XLI.

FRIDE-



## FRIDERICVS I.

FRIDERICVS I. pacificus & humanus Rex CIII  
 Daniae & Norvegiae, Dux Slesuicensis, Holsa-  
 tia, Stormaria, Wagria & Ditmarschia testa-  
 mento patris constitutus: verum cum esset puer  
 nouem annorum in conuentu Kiloniensi frater  
 rex abolito patris testamento cum ipso diuisit  
 has regiones; & reliquit ipsi Gottorp, Tunde-  
 ren, Hadersleuen, Eile, Stenborch, Tritrow,  
 Aldenborch, Plone, Kyle, Canonicatumq. ipsi  
 Coloniae impetrauit. sed cum ad aetatem perue-  
 nisset maturiorē, considerans iniquam diuisio-  
 nem à fratre factam, reperit legatum paternum  
 ab eodem per cōsiliarios regios, & partem reg-  
 norum iure hāreditario addi volebat: verum  
 responso minus incundo, additis insuper minis;  
 Consiliarij dimissi sunt. Quienit itaque quoad  
 frater vixit, & eidem militauit contra Ditmar-  
 schos Anno Christi M. D. A Christiano II. pa-  
 truele eadem quae à fratre petierat requirens,  
 nihil impetrat. Eundem, coniungens se cum  
 proceribus Danicis, & cum illis fœdus contra-  
 hens, propter tyrannidem pellit, & curam reg-  
 norum Daniae, Norvegiae quoque suscipit, anno  
 Domini M. D. XXIII. Hafnienses se desiderant illi  
 incuncto anno M. D. XXIII. die tricesimo Regum,  
 quibus Magnum Gye Fridericus praesecit. Ipse  
 urbem nondum ingressus est. Sed ad Comitia  
 regni generalia processit, regni in Hafnia ad  
 diem

H

diem



diem Iohannis Baptistæ conuocauit. Qui ex-  
 cluso, ob tyrannidem & perfidiam in Suecos  
 & Danos nobiles perpetrata, Christierno,  
 FRIDERICVM Regem, nobilitatis priuilegia  
 certis articulis inclusa confirmantem, vnanimi  
 consensu elegerunt, & die VII. Augusti corona-  
 runt. Coronatus doctrinam Ecclesiæ à D. Mar-  
 tino Luthero repurgatam publice in templis  
 proponi mandat, Anno Christi M. D. XXI. III.  
 Obiit Gottorpij Anno Christi M. D. XXX. III.  
 III. Aprilis, sepultus Sleswigæ in choro templi  
 Cathedralis, ornatusque Alabastrino monu-  
 mento, cum vixisset annos LVI. & regnasset an-  
 nos X. Vxores habuit duas. Primam Annam,  
 filiam Iohannis Electoris & Marchionis Bran-  
 denburgici, ductam Anno Christi M. D. mor-  
 tuam Anno Christi M. D. XLIII. III. Maij, sepul-  
 tam in Borsholmensi monasterio, sub monu-  
 mento orichalcino. Ex qua fustulit filium  
 vnum & vnā filiam, CHRISTIANVM III. Da-  
 niæ Regem, & Dorotheam I. natam anno Chri-  
 sti M. D. III. I. Alberti I. Borussia Ducis Anno  
 M. D. XXV. vxorem: Alteram Sophiam Bugisla-  
 ui X. ducis Stetinensis in Pomerania, ductam  
 Kilonij Anno Christi M. D. XLVII. vbi etiam  
 mortua est Anno Christi M. D. LXX. III. ætatis  
 LXX. & ultra, sepultaque Sleswigæ, ex qua ge-  
 nuit tres filios, totidemque filias: Iohannem se-  
 niozem hæredem Norwegiæ, ducem Slesuici,  
 Holsatiæ, Stormariæ & Ditmarschiæ, nutritium  
 Ecclesiæ



Ecclesiæ & scholarum, mortuum ἄγαμον Hadersleuij Anno Christi M.D.LXXX. 2. Oct. ætatis Lix. sepultum Sleswigæ in crypta regia: Adolphum hæredem Norwegiæ, ducem Slesuic &c. natum anno Christi M.D.XXVI. 26. Ian. & Fridericum natum Anno Christi M.D. XXIX. Episcopum Hildesensem & Slesuicensem, coadiutorem Bremensem, mortuum Kilonij Anno Christi M. D. LVI. XXVII. Octob. ætatis xxv. sepultum Sleswigæ in monumento auito: Elisabetham natam Anno Christi M.D.XXIII. nuptam I. Anno Christi M. D. XLIII. Magno duci Megapolensi: & II. Ulrico duci Megapolensi. ex hac nata est filia vnica Sophia, vxor Friderici II. regis Daniæ, &c. Annam peste mortuam Flensburgi, sepultam Sleswigæ. Dorotheam II. nuptam anno Christi M.D.LXXII. Christophoro duci Megapolensi, mortuam Anno Christi M.D.LXXV. \* 2. Nouem. sepultam à sorore Elisabetha Gustruij in monumento Regum Obortitorum.

\* al' VII.  
Decemb.

## CHRISTIANVS III.

CHRISTIANVS III. Rex Daniæ & Norwegiæ, Gottorum & Wandalorum, Dux Slesuicæ, Holsatiæ, Stormariæ & Ditmarschiæ, comes Oldenburgensis & Delmenhorstensis, natus Anno Christi M.D. III. XIIII. Augusti. Patre Friderico Daniæ regnum tenente, patrium ducatum administrabat; primam Ecclesiarum in-

CV

H 2

spectio-



Inspectionem suscepit anno Christi M. D. XXVII.  
 commendata rerum Ecclesiasticarum & visita-  
 tionis cura: praeipue Eberhardo Widenſcio  
 Theologiae doctore, quem Magdeburga prin-  
 ceps euocarat, & Hermanno Taſtio, paſtori  
 Flensburgenſi. quibus ex nobilitate, Iohannes  
 Ranzovius aulae magiſter, Iohannes Reuent-  
 low, & alij adiungobantur. Electus in Regem  
 Daniæ à proceribus anno Christi M. D. XXXV.  
 coronatus à Iohanne Bugenhagio Pomerano,  
 anno Christi M. D. XXXVII. Parruelem Chriſtia-  
 num II. captivum detinuit Sonderburgi in in-  
 ſula Alſen, & poſtea in arcem Kallenborch traſ-  
 tulit. Obiit Anno Christi M. D. LIX. Kal. Ian.  
 hora V. vespertina, cum vixiſſet annos LVI. reg-  
 naſſet XXIII. princeps pietate, iuſtitia, æquita-  
 re, moderatione, prudentia, ſapientia & reliquis  
 heroicis virtutibus aliis regibus prælu-  
 cens. Depositus primum Odense in Funia, ſed  
 à filio Roſchildam translatus, & monumento  
 alabaſtrino ac marmoreo, cui hæc regio ſep-  
 trentrionalis ſimile non habet, honoratus. Vxor  
 Dorothea, filia Magni ducis inferioris Saxo-  
 niæ, Angriæ & Weſtphaliæ, nata Anno Christi  
 M. D. XI. 9. Iulij, coronata Haſſniæ cum marito  
 Anno Christi M. D. XXXVII. Obiit Anno Christi  
 M. D. LXXI. VII. Octobris, vespere hora V. ſepul-  
 ta Sonderburgi, ſed poſtea Roſchildam transla-  
 ta & iuxta maritum humata eſt. ex qua pro-  
 creavit Fridericum II. Regem Daniæ &c. An-  
 nam,



nam, coniugem I. Augusti Electoris Saxonici  
& Marchionis Misniae &c. ductam anno Chri-  
sti M.D. XLVIII. XIII. Octobris, & mortuam  
anno Christi M.D. LXXXV. I. Octob. Magnum  
ducem Holsatiae, Stormariae & Ditmarschiae  
&c. natum anno Christi M. D. XL. 14. Augu-  
sti, Hassniae, qui factus est Episcopus Orpaten-  
sis in Liuania, dynasta in Osel & Wick, duxitq.  
in vxorem Mariam Magni ducis Musconiae ex  
patruele neptem, & mortuus est anno Christi  
M.D. LXXX. Dorotheam vxorem Wilhelmi iu-  
nioris ducis Brunsvicensis & Luneburgensis,  
ductam Anno Christi M.D. LXI. 12. Octobris,  
& Iohannem iuniorem ducem Holsatiae, Stor-  
mariae & Ditmarschiae &c. natum Coldingiae  
Anno Christi M. D. XLV. 25. Martij, ducentem  
in vxorem I. Elisabetham filiam Ernesti Ducis  
Brunsvicensis & Luneburgensis in Embeck &  
Grubenhagen, Anno Christi M. D. LXVII. Col-  
dingae in Iutlandia. II. Agnem Hedwigis fi-  
liam Ioachimi Ernesti principis Anhaltini, vi-  
duam Augusti Ducis Saxoniae Electoris &c.  
Anno Christi M.D. LXXXVI.

## FRIDERICVS II.

FRIDERICVS II. Rex Daniae, Norwegiae, CVI  
Gottorum, Wandalorumque, Dux Sleswicen-  
sis, Holsatiae, Stormariae & Ditmarschiae, comes  
Oldenborgensis & Delmenhorstensis, natus  
est anno Christi M. D. XXXIIII. I. Iulij, in Ha-  
derleben,



derleben, electus & coronatus Anno Christi M.D.LIX. xx. Augusti, quo anno Ditmarschios auxilio patruelium Iohannis & Adolphi &c. vicit & subiugauit. Cum Erico XIII. rege Sueciae septennale bellum gessit, ab anno Christi M.D.LXIII. vsq. in annum Christi M.D.LXX. quo interuentu principum pax facta est inter hunc & Erici XIII. germanum fratrem Iohannem.

His tot ac tantis rebus domi forisque gestis, Fridericus rex quum totum se pacis studiis dedisset, anno M.D.LXXVII. III. Octob. in prædio Neugardt tentari primum morbo cepit, qui etsi iugulum statim non petierit, lenta tamen ægritudine corporis vires ita prostrauit, vt finem vitæ rex instare præsentiens, totum se ad animi emigrationem compararit. Tandem igitur omnibus quæ ad morituros pertinent pie sancteque compositis, Sacramento Cænæ Dominicæ prouisus, in vera ac pia diuini nominis inuocatione firmaque in Christum fide placide constanterque, IIII. April. circa vesperam inter quartam & quintam horam, in Regia arce Anderschow sita in Selandia, annum agens enneaticum quinquagesimum quartum, quum regnum annos viginti nouem tenuisset, magno omnium bonorum inærore decessit, obdormit, ac ex turbulento hoc ad cæleste regnum emigrat. Nam præter heroicam animi magnitudinem, qua tam grauißima bella gessit, felicitatem, auctoritatem, tanta pietate Deum colebat,

tanto



tanto amore literas contplectebatur, tanta sinceritate erga confæderatos, tanta virtute & iustitia erga cunctos antecellebat, tanta constantia Christianam Remp. asserebat, tanta in bello magnanimitas, in pace fides culta erat, vt eius morte Ecclesia & literarum studia, & Respub. magnum vulnus accepisse videri possent, si non cum filium post se reliquisset; qui paternæ virtutis æmulus, spem eius sanandi certissimam sustineret. Ipso die Paschatis Regium funus præstantissimo balsamo conditū, in sarcophagum positum, Anderschow Roschildium lugubri pompa deductum, ibidemque regio monumento v. Iunij illatum est, comitantibus Illustrissimo, illustrissimique generis Principe ac Domino D. Christiano eius nominis quarto, Daniæ Noruegiæque &c. electo Rege, cum auo suo materno illustrissimo principe ac Domino, D. Vldarico, Duce Megapolensi, Principe Wandalico, Comite Suerinensi, Regionum Rostock & Stargardt Domino &c. alijsq. principibus ac Legatis, in quo sacello & Christiernus i. proauus, & Christianus iii. pater Friderici Regis, vna cum coniugibus, Christina videlicet & Dorothea (quæ ambæ ex familia Saxonica natæ sunt, illa Ernesti Electoris Saxonæ, hæc Magni filia ducis inferioris Saxonæ & Westphaliæ) resurrectionem ad vitam æternam expectant. Sophia vxor Friderici ii. Regis Daniæ &c. cuius nuptiæ Hassnię celebratę sunt anno Christi M. D. LXXII.

20. Iulij,



64 HISTORIA REGVM DANIAE.

20. Iulij, & sequenti die in reginam Daniæ &c.  
coronata est. ex qua progenuit Elisabeth anno  
Christi M. D. LXXIII. 25. Aug. Coldingæ. Annam  
Sunderburgi anno Christi M. D. LXXIII. 12. Oct.  
Christianum Fridericum Friderichburgi, anno  
Christi M. D. LXXVII. 12. April. Vlricum anno  
Christi M. D. LXXVIII. 30. Decemb. Augustam  
anno Christi M. D. XXCI. 8. Aprilis. Hedewigem  
anno Christi M. D. XXCI. 5. Augusti. Iohannem  
Hadersleuij anno Christi M. D. XXCI. 26. Iulij.

CHRISTIANVS IIII.

CVII

CHRISTIANVS IIII. Rex Daniæ, Norwe-  
giæ, Gottorum, Wandalorumque, Dux Sleswi-  
censis, Holsatiæ, Stormariæ & Ditmarschiæ,  
comes Oldenburgensis & Delmenhorstenensis, na-  
tus Friderichburgi, Anno Christi M. D. LXXVII.  
12. Aprilis, regnatque adhuc summa cum laude  
utiliter & prudenter hoc anno à partu virginis  
currente M. D. XCV. Faxit æternus pater Saluato-  
ris & liberatoris Domini nostri Iesu Christi,  
vt tum ad Ecclesiæ & Reipub. Christianæ Salu-  
tem, tum ad familiæ suæ splendorem, & decus  
immortale propagandum, quam diutissime  
uiuat, regnet & salutaria consilia conferat.



# INDEX.

|  |                              |  |       |
|--|------------------------------|--|-------|
| <b>A.</b>  |                              | Carolus Suetiæ Rex   | 50    |
| <b>A</b>   | nsolon Episcopus 25.34       | Christina vxor Ioannis regis                                   | 52    |
|  | Adolfus dux Holstatiæ 50     | Christophorus rex de Bauaria                                   | 44    |
|  | Agaperus Pontifex Romanus 23 | Coldingia  | 61    |
|  | Agnes regina 40              | Conradus imperator.  | 26    |
| Alaricus 14. vice-rex Gothorum ibid.                       |                              | <b>D.</b>  |       |
| Albertus Rex Suetiæ 45. in bello capitur ibid.             |                              | <b>D</b> ANIA vnde dicta                                       | 1     |
| Albertus Marchio Brandenburgensis 40                       |                              | Dani viri fortissimi 8. Schaniam recuperant                    | 42    |
| Albia fluuius 37   |                              | Ditmarfense bellum   | 54    |
| Albina concubina regis Canuti 26                           |                              | Ditmarfi subiugantur   | 62    |
| Alemanni in Daniam irrumpunt 47                            |                              | Dorothea vxor Christophori                                     | 49    |
| Alfus 13   |                              | Dorothea vxor Wilhelmi ducis Brunswicensis                     | 61    |
| Alsen insula 60  |                              | Drola Regnaldi filia.  | 13    |
| Anderfchouarx 62   |                              | <b>E.</b>  |       |
| Anglia 22. deficit à Danis 23. 28. debellatur 23           |                              | <b>E</b> BBO Simonis princeps belli                            | 36    |
| Angria 60  |                              | Eberhardus Widenfcius  | 60    |
| Anna coniux Augusti Electoris Saxoniæ 61                   |                              | Edelradus rex Anglorum   | 26    |
| Annonæ caritas in Dania 29                                 |                              | Eiderstedentes   | 38    |
| Ansarius Archiepiscopus Bremensis 21                       |                              | Elisabeth filia Ernesti ducis Brunswicensis                    | 61    |
| Arhusiensis Episcopus 25                                   |                              | Elisabeth filia regis Ioannis                                  | 52    |
| Ascherus primus Lundensis Archiepiscopus 30                |                              | Ericus rex Suetiæ 11. Haraldum occidit ibid. ipse interficitur | ibid. |
| Asmundus Norwegiæ Rex. 9.12                                |                              | Ericus filius Regneri  | 22    |
| <b>B.</b>  |                              | Ericus rex in Iudæam proficiscitur                             | 30    |
| <b>B</b> ALDERFLVD vnde dicatur                            | 5                            | Ericus v. monachus fit   | 32    |
| Basilica D. Albani   | 29                           | Ericus Rex de Pomerania  | 44    |
| Bellum septennale inter reges Daniæ & Suetiæ               | 62                           | Ericus Rex Suetiæ  | 35    |
| Picco calumniator  | 16                           | Ernestus Dux Misniæ  | 52    |
| Biorn vnus Gigantum  | 9                            | Eschyllus Episcopus Roschildensis                              |       |
| Biorno filius Regneri                                      | 22                           | 31. Ericum regem in Iutiam pellit                              |       |
| Boccarus Gumarum interficit 13. Drolam vxorem ducit. ibid. |                              | 32. ipse suspenditur   | 33    |
| <b>C.</b>  |                              | Esthonica gens   | 26    |
| <b>C</b> ÆCILIA concubina Erici regis Daniæ                | 48                           | Esthrita Chanuti Duri soror                                    | 27    |
| Callenburgum   | 56                           | Eumundus Rex capitur 22. interficitur. ibid.                   |       |
| Candens ferrum nudis manibus portatur                      | 25                           | <b>F.</b>  |       |
| Carolus v. capitur   | 56                           | <b>F</b> EGGESVND vnde dicatur                                 | 6     |
| Carolus Magnus   | 18.19                        | Findetorp  | 39    |
| Carolus Canutus Rex eligitur                               | 46                           | Fœdus à Margareta iustum                                       | 46    |
|  |                              | Franciscus dux Lotharingiæ                                     | 56    |
|  |                              | Franciscus filius regis Ioannis                                | 42    |
|  |                              | Franciscus Sfortia dux Mediolanensis                           | 56    |
|  |                              | Fridleuus Ruthenorum rex                                       | 9     |
|  |                              | <b>I</b>   |       |
|  |                              | Frogerus   |       |

# INDEX.

|  |       |   |         |
|--|-------|---|---------|
| Frogerus Norwegiæ rex singulari certamine interficitur | 7     | Daniæ provinciis præficitur                         | 15      |
| Frogerta vxor Fridleui                                 | 9     | Hiartuarus Sueconum rex                             | 4       |
| Funia.   | 60    | Hibernia  | 20.22   |
| G.   |       | Hildigerus  | 13      |
| <b>G</b> ALLIÆ Germaniæque vrbes subiguntur            | 22    | Hogekoburg oppidum destruitur                       | 3       |
| Gauæ arx   | 44    | Holfatiæ comites regnum Daniæ ambiunt               | 41      |
| Gerhardus Comes interficitur                           | 42    | Homothus & Hoginus Suetiæ tyranni opprimuntur       | 7       |
| Germani Iutiam inuadunt                                | 16    | Humbliu capitur                                     | 1       |
| Godefredus filius Regneri                              | 22    | Hundingus Suecorum rex                              | 3       |
| Gotticus Carolo Magno bellum infert                    | 19    | Hundingus Siclandiæ præficitur.                     | 13      |
| Gram occiditur   | 2     | I.  |         |
| Gratemosa  | 33    | <b>I</b> ACOBVS Archiepiscopus                      | 38      |
| Gritha vxor Dan  | 1     | Iacobus Comes Hollandiæ                             | 40      |
| Gulfus Reen Vir Nobilis                                | 36    | Inguarus filius Regneri                             | 22      |
| Gumarus Rex Suetiæ                                     | 13    | Ioachim Marchio Brandenburgensis                    | 52      |
| Guti   | 5     | Ioannes Marchio Brandenburgensis                    | 49      |
| Gutlandia  | 3.43  | Ioannes Dux Holfatiæ                                | 42      |
| Guttornus.   | 21    | Ioannes Benedicti Episcopus Vpplensis               | 50      |
| H.   |       | Ioannes Ranzouius                                   | 60      |
| <b>H</b> ADERSLEBEN arx                                | 41    | Ioannes Reuentlow                                   | 60      |
| Hadingus se suspendit                                  | 3     | Ioannes Bugenhagius                                 | 60      |
| Hagbertus filiam Sygari vitiat                         | 12.   | Isabella vxor Christierni secundi                   | 56      |
| strangulatur   | 13    | Iuarus Lucke  | 45      |
| Hagenschow arx   | 38    | Iulius Cæsar fœdus icit cum Frideluo Danorum rege   | 8       |
| Hakerus Australi Iutiæ præficitur                      | 13    | Iuritta filia Alfi                                  | 13      |
| Halwardus Suecorum Rex interficitur                    | 4     | Ius hæreditarium mulieribus concessum               | 52      |
| Hammaburg 37. non procul inde duæ arces extruuntur     | ibid. | Iutia 6. Aquilonaris & Australis                    | 13      |
| Hano Pheoniæ præficitur                                | 13    | Iutia ab Holfatis inuaditur                         | 42      |
| Haquinus ( qui & Haco ) Sygarum interficit             | 13    | Iuti Aquilonares perfidi                            | 29      |
| Haquinus Riog  | 15    | Iutta filia ducis Saxonie.                          | 37      |
| Haquinus Norwagiensium Rex                             | 44    | K.  |         |
| Haraldus Alaricus ab aliis dictus                      | 14.   | <b>K</b> ALLENBORCH arx                             | 60      |
| verus rex Gothorum                                     | ibid. | Kranetorp   | 36      |
| Haterus Starchaterum interficit                        | 16    | Kylde fons.   | 3       |
| Hedelradus Anglorum rex                                | 24    | L.  |         |
| Heligo propriam filiam vitiat 4. seipsum interficit    | ibid. | <b>L</b> ANGOBARDIA vnde dicta                      | 17      |
| Helisingborg arx                                       | 49    | Letra arx   | 4.10.19 |
| Helwig vxor Waldemari                                  | 44    | Lex noua ab Haraldo edita                           | 28      |
| Henricus comes   | 37    | Lippia fons   | 118     |
| Henstede vnde vocentur                                 | 49    | Litteræ Waldemari regis Daniæ ad Pontificem Maximum | 44      |
| Hermannus Tastiis                                      | 60    | Liunia  | 62      |
| Hesbernus Suare nepos Skialmonis                       | 33    | Lon-  |         |
| Hetha puella Siclandiæ ac ceteris                      |       |   |         |



# INDEX

|                                     |         |                                       |        |
|-------------------------------------|---------|---------------------------------------|--------|
| Londonia                            | 26      | R.                                    |        |
| Lotharus occiditur                  | 1       | R ANDVSIA Iutia cinias                | 42     |
| Lubeca à Danis extructa.            | 49      | Rebiza regina                         | 35     |
|                                     |         | Regnaldus interfecto Huguini          | 12.    |
|                                     |         | ipse interficitur                     | ibid.  |
| M.                                  |         | Reinstadia                            | 36     |
| MAGNVS Smet Suetia Rex              | 41      | Reliquia martyrum Româ delata         | 52     |
| Magnus dux Holfatia                 | 61      | Rhenus                                | 19     |
| Margareta filia regis Suetia        | 37      | Ringstede                             | 34.37  |
| Margareta filia Waldemari regina    |         | Ripis Basilica edificatur             | 22     |
| Dania                               | 44      | Ripensis Episcopatus                  | 25     |
| Margareta Scotie regis vxor         | 50      | Rodolfus Episcopus Scarenfis          | 45     |
| Maria vxor Magni ducis Holfatia     | 61      | Roricus Aquilonari Iutia præficitur   |        |
|                                     |         |                                       | 13     |
| N.                                  |         | Roschildia edificatur, 3. vnde dicta  |        |
| NEVGART prædium                     | 62      | ibid.                                 |        |
| Nicolaus Elbo Gerhardum co-         |         | Rostochium                            | 39     |
| mitem interficit                    | 42      | Rugia ad fidem conuertitur            | 34     |
| Nicolaus Hallentzfar                | 40      | Rutheni.                              | 9      |
| Norwegia reges vnde originem du-    |         |                                       |        |
| cant.                               | 12      |                                       |        |
|                                     |         | S.                                    |        |
| O.                                  |         |                                       |        |
| ODENSEHE                            | 60      | SAXO Grammaticus                      | 7      |
| Olandia                             | 43      | Saxones tributarij efficiuntur        | 8.     |
| Olaus Rex Suetia Daniam occupat     |         | incurfiones in Iutiam faciunt         | 34     |
|                                     | 22      | Scalkus Wandalia Rex                  | 4      |
| Olburgum                            | 55      | Scania 13.27. Holfaris oppignoratur   |        |
| Olo Scania præficitur               | 13      |                                       | 41     |
| Ordo minorum ac prædicatorum        | 35      | Scania Dani recuperant                | 42     |
| Orebius filius Regneri              | 22      | Scato satrapa interficitur            | 2      |
| Ofel                                | 61      | ſelandia                              | 3.13   |
| Ostmarus Scania præficitur          | 15      | Signe filia Sigari vitatur            | 13     |
| Otharus duxit vxorem filiam Syualdi |         | Skialmo Candidus educator Ducis       |        |
|                                     | 12      | Canuti                                | 30     |
| Othini dies                         | 5       | Skioldus leges sanxit                 | 2      |
| Othonia ciuitas 29. vnde dicta      | 5       | Slefwicenſe territorium               | 20     |
| Orto imperator Holfatiam occupare   |         | Slefwicenſis Episcopatus              | 25     |
| voluit.                             | 36      | Sonderburgum                          | 60     |
|                                     |         | Sophia Waldemari coniux               | 34     |
| P.                                  |         | Sophia Friderici ſecundi coniunx      | 59     |
| PAVLVS Laxmand magiſter equi-       |         | Sore arx                              | 44     |
| tum                                 | 53      | Stachaterus gigas 9. interficitur     | 12     |
| Petrus Porſe                        | 40      | Stachaterus Olonem interficit 15. ip- |        |
| Pheonia                             | 5.13.29 | ſe interficitur                       | 16     |
| Philippa vxor Erici regis Dania     | 46      | Steno Stura regni Suetici gubernator  |        |
| Philippus Rex Hiſpaniarum           | 56      |                                       | 53     |
| Plogus nobilis Iutus regem Ericum   |         | Steno & Suanto Danis rebellant        | 54     |
| interficit                          | 32      | Stygotus Andreas Regni Danici Ma-     |        |
| Poppo diaconus 25. candens ferrum   |         | reſcalkus                             | 39     |
| nudis manibus portauit              | ibid.   | Sueci Scania inuadunt                 | 16     |
| Portugallia regis filia regi Walde- |         | Suerkerus Hack rex Suetia             | 35     |
| maro nubit.                         | 36      |                                       |        |
|                                     |         | I 2                                   | Suerko |

# INDEX.

|  |        |                                       |    |
|--|--------|---------------------------------------|----|
| Suerko rex Suetiae                     | 34     | constituit, veteres emendat           | 35 |
| Suertingus Saxoniae regulus            | 10     | Valens operator                       | 14 |
| Suetia tributaria Regi Danorum         | 4.     | varnav                                | 39 |
| debellatur                             | 11     | Vbbo filius Regneri                   | 22 |
| Suigdagerus patrem suum interficit     | 3      | werke                                 | 34 |
| Supplicium Suawildae filiae regis Hel- |        | weserus pugil interficitur            | 14 |
| lesponti                               | 17     | westfali                              | 18 |
| Supplicium Harald                      | 17     | Vffo contra gigantes pugnat. 6. etiam |    |
| Syritha filia Sualdi.                  | 12     | Olaus dictus est                      | 7  |
| T.                                     |        | wibergensis ciuitas                   | 6  |
| <b>T</b> HEODORICVS comes de Olden-    |        | widekindus Saxonum rex                | 18 |
| borg                                   | 50     | Viggo miles Roluonis Hiartuarum       |    |
| Thorilda Haldani vxor                  | 12     | interficit                            | 4  |
| Thyra filia Helderadi                  | 24. 34 | wilhelmus Roschildensis Episcopus     |    |
| Toko regem Haraldum interficit.        | 25     | 27. miraculum quod ei conigit,        |    |
| V.                                     |        | ibid.                                 |    |
| <b>W</b> ALDAMARVS rex                 | 25     | wipertus filius widekindi             | 18 |
| waldamarus Danis nouas leges           |        | Vlfo filius Regneri.                  | 23 |

# FINIS.

# ERRATA.

Pag. 10. vers. 21. Letra. p. 12. v. 9. Hic Huguinus. p. 28. v. 5. cxx. annis.  
 Erunt fortasse plura menda, sed ut spero, ea emendabit lector.



